

四庫全書

子部

欽定四庫全書

御定淵鑒類函卷二百四十六

人部五

夫婦  
惡婦

賢婦人

夫婦一

增易曰輿說輻夫妻反目象曰夫妻反目不能正室也  
又曰女正位乎內男正位乎外男女正天地之大義  
也 又曰王假有家交相愛也 又曰有萬物然後有  
男女有男女然後有夫婦 又曰夫婦之道不可以不

久也故受之以恒 書曰釐降二女于媯汭 詩曰女  
曰鷄鳴士曰昧旦 又曰琴瑟在御莫不靜好 禮記  
曰外言不入于梱內言不出于梱 又曰婦人從人者  
也幼從父兄嫁從夫夫死從子故婦人無爵從夫之爵  
坐以夫之齒 又曰共牢而食合卺而醕所以合體同  
尊卑以親之也 儀禮曰夫婦一體也 周禮曰夫尊  
于妻妻貴于室 釋名曰夫妻匹敵之義也 又曰士  
庶人曰妻妻齊也夫賤不足以稱尊故齊等言也 又

曰妾謂夫之嫡妻曰女君夫曰男君故謂妻曰女君也  
彙苑曰夫扶也以道扶接者也婦服也以禮屈服也  
婦字從女從帚蓋女持帚以奉灑掃也 又曰妻之為  
言齊也以禮問而得與夫敵體 又曰嬪嬪者賓也蓋  
取相敬如賓之義也 春秋漢舍寧曰水火交感陰陽  
以設夫婦象也 又曰妻象太陰臣法金位 列女傳  
曰惟夫婦為同庖 又曰夫婦之道參配陰陽通達神  
明夫不賢則無以御婦婦不賢則無以事夫夫不御婦

則威儀廢婦不事夫則禮儀墮夫婦之好終身不離  
史記曰易基乾坤詩始關雎書美釐降春秋譏不親迎  
夫婦之際人道大倫也禮之用惟婚姻為兢兢 杜欽  
傳曰妻者夫之陰子者父之陰 曾大家曰女子之事  
夫也纚笄而朝則有君臣之嚴沃盥饋食則有父子之  
敬報反而行則有兄弟之道受期必誠則有朋友之信  
言行無玷則有理家之度 真西山曰夫之道在敬身  
以帥其婦婦之道在敬身以承其夫

## 夫婦二

增左傳曰臼季使過冀見冀缺耨其妻饁之敬相待如賓與之歸言於文公曰敬德之聚也能敬必有德德以治民君請用之文公以為下軍大夫 後漢書曰樊英有疾妻使婢拜問英下牀答拜陳寔怪問之英曰妻者齊也供奉祭祀禮無不答 又曰仇覽雖在燕居必以禮自整妻子有過免冠自責妻子庭謝候覽冠乃敢升堂 又曰馮良字君卿志行高整非禮不動過妻子如

君臣鄉黨以為儀表 又曰張湛字子孝矜嚴好禮居

處必自修整雖遇妻子若嚴君 魏略曰鍾繇老而納

正室蓋取宗子雖七十無主婦之義 吳志曰顧愷字

子通侍妻有禮常夜入晨出罕見其面疾篤妻出省之

愷命左右扶起冠幘加襲趣令妻還其貞潔不濁亂如  
此

夫婦三 慢夫 薄婦 妻黨並附

原齊體

同心 夫婦齊體 詩 鴒 鴒 同心

二物

一齊 左傳為夫 婦外內以

經二物 禮記一興之齊

增畫眉

捉鼻

漢書京兆尹張敞為婦畫眉長安中傳京兆眉

嫵有司奏啟宣帝問之對曰臣聞閨房之內夫婦之私

有過于畫眉者上愛其能弗備責也世說謝安在東

山居布衣時兄弟已有富貴者翁集家門傾動人物劉

夫人戲安曰大丈夫不當如此乎安乃捉鼻曰但恐不

免耳種玉陳金搜神記楊雍伯嘗設漿給行旅一日

種此生美玉并得好婦如言種之有徐氏女極美求之

徐公曰得白璧一雙即可乃于所種得璧遂娶之江

南野史周彬不治財產服膺儒學妻嘗讓之曰汝家兄

弟能力稼穡囊箱豐溢汝不治財產後將奈何答曰歲

晚必得及聞先主鎮金陵囊文以往錫賚頗厚以所

賜金帛陳列于庭謂婦曰今此諸兄弟何為勝邪

內子細君

禮曾子問大夫內子有殷事亦之君所朝

夕否注云內子卿大夫之適妻也殷事殷



盛之事 揚雄解嘲東方朔割名于細君注云以肉歸  
遺細君是自損割其名細君東方朔妻名或曰細小也

原占鳳凰

附絲蘿

左傳懿氏卜妻敬仲其妻占之  
曰吉是謂鳳凰于飛和鳴鏘鏘

古詩與君結新  
婚兔絲附女蘿

增詩咏鵲巢

禮榮翟第

並杜牧  
宋叔康

妻制 沔南醜女

亭伯美妻

襄陽傳蜀黃承彥沔南名  
士也謂諸葛孔明曰聞君

擇婦家有醜女而才堪相配孔明許婚即載送之諺曰  
莫學孔明擇婦正得阿承醜女 唐書崔顯字亭伯娶

妻惟擇美者俄又

白狐九尾

孔雀二目

吳越春秋  
禹三十未

棄之凡四五娶

娶行至塗山有白狐九尾造禹禹曰白者吾之服也其  
尾九者王之證也塗山人歌曰綏綏白狐九尾龐龐成  
家成室我造彼昌禹因娶之謂之女嬌 帝后傳唐高  
祖竇皇后父殺嘗謂妻曰此女有奇相何可妄與人因

畫二孔雀于屏間請婚者射二矢陰約中目則得之射者閱數十皆不合高祖最後射中各一目遂歸之

堪作夫人

起呼侍婢

晉書山濤初為布衣家貧謂其妻韓曰忍饑寒我後當作三公

但不知卿堪作夫人否及濟崇貴貞慎儉約雖爵至千乘而不蓄媵妾世說王衍嘗嫉其妻貧口不言錢字婦欲試之令婢以錢遠牀下不得行衍晨起見錢闔行呼婢曰舉此阿堵物去婦人卿壻

瞽女完婚

世說王安豐妻常卿安豐曰婦人卿壻于禮為不敬後勿復爾婦曰親卿愛卿是以

卿卿我不卿卿誰復卿卿遂恒聽之宋史周恭叔自太學讀書時嘗議母黨之女為婚及登科後其女雙瞽女家且貧不敢復舉議恭叔無所嫌遂娶之愛過常人程伊川先生曰某年未三十時亦做不得此事

鄒忌衣冠

懷恩姿狀

戰國策鄒忌修八尺有餘形貌狀麗朝服衣冠鏡謂其妻曰

我孰與城北徐公美其妻曰君美甚徐公何能及君也  
明日徐公來熟視之自以為不如窺鏡自視又弗如遠

甚曰吾妻之美我者私我也

唐書權

詔求故劍

懷恩姿狀沉毅每盛服妻子不敢仰視

笑著新衣

綱鑑漢宣帝初聘許廣漢女及即位公卿議  
立皇后皆心擬霍光女帝乃詔求微時故劍

大臣知指白立許倖仔為皇后世說桓車騎沖不好  
著新衣浴後婦故送新衣與車騎大怒催使持去婦更

持還傳語云衣不經新何

馬脯牛頭

田居蠶室

三輔

由得故桓公大笑著之

決錄注丁邨為漢中太守妻弟為公孫述將收妻送南

鄭獄免官徒跣自陳詔曰漢中太守妻乃繫南鄭獄誰

得捶其背垢者懸牛頭賣馬脯盜跖行孔子語以邨服

罪且邨一妻冠履勿謝南齊書卞彬字士蔚性嗜飲

酒以瓢壺瓢勺玩皮為有著帛冠十二年不改易以大

瓢為火籠什物多諸詭異自稱卞田居婦為傅蠶室

梁鴻夫婦

裴澤恩好

本傳孫晷字文度時會稽虞喜居海隅有高世之風晷欽

其德聘喜弟預女為妻喜戒女棄華尚素與晷同志時人號為梁鴻夫婦

北史裴澤妻鉅鹿魏氏恩好甚隆

不能暫相離澤每從駕其妻不宿亦至性强立時人以為健婦夫丰

婚辭宰相

會卜

房幃

唐書王義方泗州人魏徵異之欲妻以夫人之姪女義方辭不敢俄而徵薨乃娶之人問其故曰初

不附宰相今感知已也

玉堂閒話涇州書記薛昌緒

為人迂僻與妻相見必有禮容先命女僕通傳往來數

四可之然後秉燭造室至於高談虛論茶果而退或欲

詣房幃其禮亦然嘗曰某以繼嗣事重輒欲卜其嘉會

必候請

而可之

慢夫矜才於婦

庸奴其夫

左傳叔向謂驂明曰昔賈大夫

惡娶妻美三年不言不笑御以如皐射雉獲之其妻始笑而言賈大夫曰才之不可以已也我不能射汝遂不

言不笑夫

史記外黃

不樂王郎

微嫌盧豕

世說謝夫

富人女甚美庸奴其夫

人初適王凝之還甚不樂太傅曰王郎逸少子不惡汝

何恨也答曰一門叔父則有阿大仲郎羣從兄弟則有

封胡遏末不意天壤之間乃有王郎女史唐盧豕暮

年為校書郎晚娶崔氏有詞翰結褵之後微有顏色盧

請賦詩述懷崔立成一絕曰不怨盧郎年紀大不怨

盧郎官職卑自是妾身生較晚不及盧家年少時

薄妻蕩舟局戶

左傳齊侯與蔡姬乘舟于圉蕩公公懼色變禁之不止公怒歸之未之絕

也蔡人嫁之唐書李益與李賀齊名然少有癡病而

多猜忌防閑妻妾過為苛酷而有散灰局戶之事時謂

作書告別誣客逐妻漢書竇元形貌絕異天子

元告別曰棄妻斥女敬白竇生卑賤鄙陋不如貴人妾

日以遠彼日以親何所控訴仰呼蒼旻唐書令狐建

擢左神武大將軍其妻成德軍節度使李寶臣女也建  
將棄之誣與門下客郭士倫通榜殺士倫而逐其妻寶  
臣請業  
機絲題句  
織錦題詩

効無狀

機絲題句

織錦題詩

伽藍記王肅在江南聘謝氏女為妻及至

京師復尚公主其後謝氏為尼亦來奔作詩贈肅云本  
為箔上蠶今作機上絲得絡逐勝去頗憶纏綿時公主  
代肅謝曰針是貫絲物目中常絰絲得帛縫新去何能  
似故時肅甚恨遂造正覺寺憇之  
晉書竇滔妻蘇氏  
名蕙字若蘭性聰慧滔拜安南將軍鎮襄陽攜寵姬趙  
陽臺以行蘇氏悔恨因織錦為迴文五綵相宣廣八寸  
題詩二百餘首計八百餘言縱橫反覆皆為文  
章才情之妙超今邁古名曰璇璣圖以寄滔  
怒犯

齋宮  
書入內閣

漢官儀周澤字稚卿為太常卧疾齋宮其妻哀澤老病闕問所苦澤大怒

以為干犯齋禁收送詔獄并自効謝當世疑其矯激不  
實北齊書邢邵字子才與婦甚疎未嘗內宿自云嘗

畫入內閣  
為狗所吠

妻黨戒弟勿來

責姪不進

世說王右軍  
郝夫人謂二

弟司空惜中郎鑒曰王家見二謝傾筐倒庋見汝輩來  
平平耳汝可以無煩復性又曰王江州夫人語謝遏  
曰汝何以都不復進為是塵務經心  
天分有限夫人幼度之妹遇之姑也  
塵尾指牀櫛

榔貯斛

晉書何充盧江人王導妻妙之子導早為顯官  
充嘗詣導含導以塵尾指牀呼充共坐曰此是

君坐也

南史劉穆之少貧恒往妻兄家乞食多見辱

其妻每禁不令往穆之猶往食畢求櫛榔江氏兄弟戲

曰櫛榔消食君何需此妻密為截髮市肴饌為其兄弟  
以餉穆之自此不敢對夫梳洗及穆之為丹陽尹召妻

兄弟飲至醉以金盃

貯櫛榔一斛進之

夫婦四

原饋食齊眉

漢書梁鴻妻孟光饋食舉案齊眉

增預為娶婦

後漢書戴封字

平仲年十五詣大常師事東海申君申君卒送喪到東海邊嘗經其家大母以封當還預為娶婦封暫過拜親

不宿而去

娶曾罵已

國策人有挑其隣之妻者其長者罵之其少者報之後其夫死而娶其長

者或曰夫非罵爾者邪曰在

原上酒酬酢

晉書何曾閨門整肅

人欲其報我在我欲其罵人

年老相見皆整衣冠相待如賓已南面妻北面

拜上酒酬酢既畢便出一歲如此不過再三焉

貧戾

小損

世說王衍妻郭氏貧戾無厭不能禁幽州刺史李陽京師大俠郭氏憚之行曰非但我言卿不可李

陽亦言不可郭

增呼為鄉里

南史張彪敗謂妻楊氏呼為鄉里曰我不忍鄉

氏為之小損

里落他處

又沈約詩曰

富不易妻

唐書太宗謂尉遲恭曰朕欲以

還家問鄉里詎堪持作夫

久三言

御定詞林典故

二



女妻卿何如叩頭謝曰臣妻雖鄙陋相與共貧賤臣雖不學聞古人富不易妻此非臣所願也帝乃止

夢返寫詩

萬花谷有書生娶後遊太學久不歸一夕夢返其家見妻秉筆寫詩曰數日相望極須知

意思迷夢魂不怕險飛過大江西書生怪而記之後家書至妻有詩一首如夢中所見夢之夕乃發書之日

供具紙筆

郡國雅諱王元苦病風月終于貧病妻黃氏共持雅操每遇得句黃氏中夜必先起

燃燭供具紙筆元甚重之

誼聯瓜葛

棠苑與君新為婚瓜葛相結連喻夫婦也

情協

金蘭

古詩且協金蘭好方愉琴瑟情

夫婦五

原詩漢秦嘉贈婦詩曰寂寂獨居寥寥空室飄飄桂帳

熒熒華燭爾不是居帷帳何施爾不是照華燭何為

又留郡贈婦詩曰人生譬朝露居世多屯蹇憂艱常早

至歡會常苦晚念當奉時役去爾日遙遠遣車迎子還

空往復空返省書情悽愴臨食不能飯獨坐空房中誰

與相勸勉長夜不能眠伏枕獨展轉憂來如循環匪席

不可卷又曰皇靈無私親為善荷天祿傷我與爾身

少小罹茲獨既得結大義歡樂苦不足念當遠離別思

念敘款曲河廣無舟梁道近隔丘陵臨路懷惆悵中駕

正躑躅浮雲起高山悲風激深谷良馬不迴鞍輕車不  
轉轂針藥可屢進愁思難為數貞士篤終始恩義不可  
促 又曰肅肅僕夫征鏘鏘揚和鈴清晨當引邁束帶  
待雞鳴顧看空室中髣髴想姿形一別懷萬恨坐起為  
不寧何用敘我心遺思致款誠寶釵好耀首明鏡可鑒  
形芳香去垢穢素琴有清聲詩人感木瓜乃欲答瑤瓊  
愧彼贈我厚慚此往物輕雖知未足報貴用敘我情  
魏徐幹挽船士新娶妻別詩曰與君結新婚宿昔當別

離涼風動秋草蟋蟀鳴相隨冽冽寒蟬吟蟬吟抱枯枝  
枯枝時飛揚身體忽遷移不悲身體移當惜歲月馳歲  
月無窮極會合安可知願為雙黃鵠比翼戲清池 又  
室思詩曰浮雲何洋洋願因通我辭一逝不可歸嘯歌  
久踟躕人離皆復會我獨無反期自君之出矣明鏡暗  
不治思君如流水何有窮已時 晉傅元秋胡詩曰秋  
胡納令室三日官他鄉皎皎潔婦姿泠泠守空房嫵婉  
不終夕別如參與商精誠馳萬里既至兩相忘行人悅

令顏借息此樹傍誘以逢卿喻遂下黃金裝 陸機為  
陸思遠婦作詩曰二合兆嘉偶女子禮有行潔已入德  
門終遠母與兄如何耽時寵遊宦忘歸寧雖為三載婦  
顧景媿虛名歲暮饒悲風洞房涼且清拊枕循薄質非  
君誰見榮離君多悲心寤寐勞人情敢忘桃李陋側想  
瑤興瓊 潘岳內顧詩曰靜居懷所歡登城望四澤春  
草鬱青青桑柘何奕奕芳林振丹榮淶水激素石初征  
冰未泮忽焉袵絺綌漫漫三十里迢迢遠行客馳情戀

朱顏寸陰過盈尺夜愁極清晨朝悲終日夕山川自悠  
永願言良不獲引領訊歸期沈思不可釋 嵇含伉儷  
詩曰余執百兩轡之子詠采蘋我憐聖善色爾悅慈姑  
顏裁彼雙絲絹著以同功縣夏搖比翼扇冬卧蛰蛰氎  
饑食並根粒渴飲一流泉朝蒸同心梨暮庖比目鮮挹  
用合黿醢受以連理盤朝采同本芝夕掇駢穗蘭臨軒  
樹萱草中庭植合歡 宋孝武帝擬室思詩自君之出  
矣金翠閣無精思君如日月迴還晝夜生 顏延之秋

胡詩曰燕居未及好良人顧有違脫巾千里外結綬登  
王畿戒徒在昧旦左右來相依蠶月觀時暇桑野多經  
過佳人從所務窈窕援高柯傾城誰不顧弭節停中阿  
南金豈不重聊自意所輕義心多苦調密比金玉聲如  
何久為別百行慙諸已媿彼行露詩甘之長川渙 梁  
徐悱贈內詩曰日暮想青陽躡履出椒房網蟲生錦薦  
游塵掩玉牀不見可憐影空餘黼帳香彼美情多樂挾  
瑟坐高堂豈忘離憂日向隅心獨傷聊因一書札以待

九迴腸 增唐白居易贈內詩曰生為同室親死為同

穴塵他人尚相勉而況我與君黔婁固窮士妻賢忘其  
貧冀缺一農夫妻敬儼如賓陶潛不營生程氏自爨薪  
梁鴻不肯仕孟光甘布裙君雖不讀書此事耳亦聞至  
使千載後傳是何如人生未死間不能忘其身所須  
者飲食不過飽與溫蔬食足充飽何必膏粱珍繒絮足  
禦寒何必錦繡文君家有遺訓清白傳子孫我亦苦貧  
士與君新結婚庶得貧與素偕老同欣欣



原書後漢秦嘉與妻書曰不能養志當給郡使隨俗順  
時僂俛當去知所苦故爾未有瘳損想念悒悒勞心無  
已當涉遠路趨走風塵非志所慕慘慘少樂又計往還  
將彌時節念發同怨意有遲遲欲暫相見有所屬託今  
遣車往想必自力 秦嘉妻徐淑答書曰知屈珪璋應  
奉藏使策名王府觀國之光雖失高素皓然之業亦是  
仲尼執鞭之恭也自初承問心願東還迫疾未宜抱歎  
而已日月已盡行有伴例想嚴裝已辦發邁在近誰謂

宋遠企予望之室邇人遐我勞如何深谷逶迤而若是  
涉高山巖巖而若是越斯亦難矣長路悠悠而若是踐  
冰霜慘烈而若是履身非形影何得動而輒俱體非比  
目何得同而不離于是詠萱草之喻以消兩家之思割  
今者之恨以待將來之歡今適樂土優游京邑觀王都  
之壯麗察天下之珍妙得無目玩意移往而不能出邪  
嘉重報妻書曰車還空返甚失所望兼敘遠別悵悵  
之情頗有悵然間得此鏡既明且好形觀文彩世所希

有意甚愛之故以相與并寶釵一雙好香四種素琴一  
張常自所彈也明鏡可以鑒形寶釵可以耀首芳香可  
以馥身素琴可以娛耳 妻又報嘉書曰既惠令音兼  
賜諸物厚顧慙慙出於非望鏡有文彩之麗釵有殊異  
之觀芳香既珍素琴益好惠異物于鄙陋割所珍以相  
賜非豐恩之厚孰肯若斯覽鏡執釵情想髣髴操琴詠  
詩思心成結勅以芳香馥身喻以明鏡鑒形此言過矣  
未獲我心也昔詩人有飛蓬之感班婕妤有誰榮之歎

素琴之作當須君歸明鏡之鑒尚待君還未奉光儀則  
寶釵不列也未待帷帳則芳香不發也 梁何遜為衡

山侯與婦書曰昔人遨遊洛汭會遇陽臺神仙髣髴有  
如今別雖帳前微笑涉想猶存而幄裏餘香從風且歇  
掩屏為疾引領成勞鏡想分鸞琴悲別鶴心如膏火獨  
夜自煎思等流波終朝不息始知萋萋萱草忘憂之言  
不實團團輕扇合歡之用為虛路過人遐音塵寂絕一  
日三秋不足為喻聊陳往翰寧寫款懷遲枉瓊瑤慰其

杼軸 周庾信為上黃侯世子與婦書曰昔仙人道引  
尚刻三秋神女將梳猶期九日未有龍飛劍匣鶴別琴  
臺莫不銜怨而心悲聞猿而下淚人非新市何處尋家  
別異邯鄲那應知路想鏡中看影當不啻啼欄外將花  
居然俱笑分杯帳裏却扇牀前故是不思何時能憶當  
學海神逐潮風而來往勿如織女待填河而相見 陳  
伏知道為王寬與婦義安主書曰昔魚嶺逢車芝田息  
駕雖見妖嬈終成揮忽遂使家勝陽臺為歡非夢人慚

蕭史相偶成仙輕扇初開欣看笑靨長眉始畫愁對離  
妝猶聞徒佩顧長廊之未盡尚分行憶吳迴陌之難迴  
廣攝金屏莫令愁擁恒開錦幔速望人歸鏡臺新去應  
餘落粉熏爐未徙定有餘煙淚滴芳衾錦花長濕愁隨  
玉軫琴鶴恒驚已覺錦水丹鱗素書稀遠玉山青鳥仙  
使難通綵筆試搽香牋遂滿行雲可託夢想還勞九重  
千日詎想倡家單枕一宵便如蕩子當令照影雙來一  
鸞羞鏡勿使窺牕獨坐姮娥笑人

賢婦人一

增易曰婦人貞吉從一而終也 詩曰鬢彼兩髦實維  
我儀之死矢靡他 禮記曰婦順備而後內和理內和  
理而後家可長久也 禮秋官疏曰婦人尚專一德無  
所兼連 周禮曰九嬪掌婦學之法以教九御婦德婦  
言婦容婦工 東漢皇后紀曰婉靜有禮 漢書曰家  
貧思賢妻 列女傳曰婦德不必才明絕異也清閒貞  
靜守節整齊行已有恥動靜有法是謂婦德 李乘傳

曰地道柔靜陰之常義 文選曰婉孌淑慎 陳子昂  
曰姆師酒食之議女工纂組之繁莫不總制清衷洪宣  
懿則茂蘋蘩之雅訓協治止之芳猷稟柔成性蘊粹含  
章窈窕之秀婉孌之資 又曰貞節峻于寒松韶儀儼  
于溫玉 又曰溫慈惠和信肅修睦行有法度動有禮  
經嚴恪以理家人琴瑟以和君子則已含弘光大矣若  
乃宗廟哀敬仁孝也姊妹祇和謙順也蠲潔酒食婦儀  
也黼黻元黃女工也洪此四德而務六親可以作範母



儀昭宣壺則矣 張說曰希盼昧者若遲日之泛漣漪  
瞻詞氣者猶光風之轉蘅蕙 王維曰靜無違禮故組  
織有常訓動必有節故環珮有常聲

賢婦人二

原詩序曰柏舟共姜自誓也衛世子共伯蚤死其妻守  
義父母欲奪而嫁之誓而弗許故作是詩以絕之 增  
左傳曰趙姬謂趙衰曰請逆盾及其母叔隗曰得寵而  
忘舊何以使人固請逆之以叔隗為內子而已下之以

盾為才使為嫡子使其子下之 原列女傳曰楚昭貞  
姜齊侯之女楚昭王之夫人也昭王出游留夫人漸臺  
之上而去王聞江水大至使使者迎夫人忘持符使者  
至請夫人出夫人曰大王與宮人約命曰召若必以符  
今使者不持符妾不敢從使者而行妾聞之貞女之義  
不犯約勇者不畏死守節而已妾知從使者必生留必  
死也然妾不敢棄約越義而求生大水至而死乃號曰  
貞姜 又曰楚白貞姬者楚白勝之妻也白公蚤死其

妻紡績不嫁吳王聞其美使大夫操金百鎰白璧一雙以聘焉因以輜輶三十乘迎之將以為夫人夫人辭曰白公無恙時妾幸得充後宮執箕帚今白公不幸而死妾願守其墳墓以終天年今王賜金璧之聘夫人之位非愚妾之所聞也吳王賢其守節而有義號曰楚貞姬又曰魯秋胡潔婦者魯秋胡之妻也秋胡子納之五日而去宦于陳五年乃歸未至家見路旁有一美婦人方採桑秋胡子下車曰暑日苦曝獨自採桑吾行道遠

願託桑陰下一食婦人採桑不輟秋胡子謂曰力田不  
如逢豐年力桑不如見公卿今吾有金願與夫人婦人  
曰採桑力作紡績經織以供衣食奉二親養夫子而已  
矣吾不願人之金也秋胡子還家奉金遺母母使人呼  
其婦婦乃向採桑婦婦乃自投於河而死 又曰梁寡  
婦高行者梁之賢婦早寡不嫁梁貴人爭欲取之不能  
得梁王聞之使相聘之高行曰妾之夫不幸先犬馬填  
溝壑妾宜以身薦棺槨守養幼孤不得專意妾聞婦人

之義一往不改棄義而從利無以為人乃拔鏡操刀以割其鼻曰妾已刑餘之人殆可釋矣王高其節號曰高行增又曰河南貞義者樂羊子之妻羊子出學貞義截髮賣以供其費後羊子得遺金一餅以與貞義義曰妾聞君子不以利誘行羊子慙而棄之鄰人欲犯貞義而劫其姑貞義操刀而出鄰人曰從我者可全不從者殺汝姑貞義仰天而歎以刀刎頸而死太守以大夫禮葬之號曰貞義原又曰漢中趙高妻者同郡張氏之

女也字禮修姑嚴酷無道禮修恭承初無愠色引過自  
咎姑後知之乃變意厚加愛敬後姑疾病其女來視臨  
困却女曰我困矣絕命當在賢婦之手婦前抱持乃絕  
後郡內遭賊高死君難禮修以碧塗面亂頭稱痛懷刀  
在身意氣決烈賊不迫也叔父矜其年壯欲更嫁之禮  
修慷慨以死為誓又曰丹陽羅靜者廣德羅勤之女  
也為同縣朱曠所聘婚禮未成勤遇病喪沒鄰比斷絕  
曠觸冒經營尋復病亡靜感其義遂誓不嫁有楊祚者

自往納幣靜乃逃竄祚劫其弟妹靜懼為祚所害乃出見之曰實感朱曠為妾父而死是以託身亡者自誓不貳辛苦之人願君哀而舍之如其不然請守之以死乃舍之 又曰蜀景奇妻者羅氏之女字貢羅奇亡無嗣貢羅專心供養父青以許同郡宰詩貢羅與父書陳其情志歷年不歸後青受遠使詩白州告縣發遣貢羅乃由徑道詣州白訴言意慷慨請死不從州嘉而許焉 又曰犍為相登妻者名度適登一年而寡守令吳厚因

入問度度引刀截髮縣長吏復遣媒介度曰前已斷髮  
謂之表心何復有斯言哉欲取刀割鼻左右救止 又  
曰沛郡劉長卿妻者生一男字玉玉五歲而長卿卒遠  
嫵不歸玉年十五死乃援刀割耳明已不二宗婦慙之  
曰何貴義輕生如此曰先君五更尊為帝師男以忠孝  
女以貞順稱故豫刑以明我情耳 又曰吳孫奇妻者

廣陵范慎女名姬年十八配奇一年而奇亡慎以姬少  
寡無子迎還其家姬不肯歸迎者以父母命迫之姬遂



操刀割耳及鼻曰父趣我者不過以我年少而色美今  
已殘矣行將焉如于是迎者空返 又曰廣漢廖伯妻  
者同郡段氏女名紀配性聰敏達于詩書進退閒暇伯  
亡父母將有所許紀配曰梁高行割鼻告誠以全其節  
求生害仁仁者不為紀配生見禮義豈獨使古人擅名  
我作詩三章以諷父母乃援刀斷指 又曰吳許升妻  
者呂氏女名榮升遊誕博戲不治操行榮躬勤家業以  
養其姑勸升學問未嘗不垂淚而言榮父疾升呼榮欲

改嫁之榮曰命之所遭義無離貳終不肯歸升後感悔  
尋師遠學四年乃歸遂致名譽為本州所辟至壽春盜  
害之刺史尹曜捕得盜榮手刃殺升者以首還祭 又  
曰留子直妻者漢末擾攘隨夫之從父客居豫章從父  
與賊交通郡收族之妻年少有色太守客請以為妻守  
死不從以還太守付吏殺之臨死顏色不變口無怨言  
郡吏及客憐之更為請免既得活乃自割耳久之太守  
聞其夫在遂還之 增後漢書曰河南尹王調洛陽令

李阜與竇憲厚善尚書僕射樂恢劾奏調阜并及司隸校尉諸所刺舉無所迴避貴戚惡之妻每諫曰昔人容身避害何必以言取怨也恢歎曰吾忍素餐立人之朝乎晉記曰杜弢至長沙掠前始興太守尹廬二女皆國色也將妻之曰我父二千石終不為賊作婦遂自殺唐書曰高慈女名妹妹父彥昭事李正己及納拒命質其妻子使守濮陽建中二年挾城歸河南都統制劉元佐納屠其家時女七歲母李憐其幼請為婢許之女

不肯曰母兄皆不免何賴而生母兄將刑徧拜四方女  
問故曰神可祈也女曰我家以忠義誅神尚何知問父  
所在西向哭拜就死德宗駭歎詔諡曰愍諸儒爭為之  
誄又曰衡方厚為邕州錄事參軍招討使董昌齡治

無狀方厚數爭事昌齡怒將執付吏方厚即以死告卧  
棺中昌齡知之使闔棺方厚閉久乃絕妻程氏懼并死  
不敢哭徒行至闕下叩右銀臺門自刎陳寃下御史鞠  
治有實昌齡得罪文宗詔封程武昌縣君賜一子九品

正負官 孔帖曰符鳳妻某氏殊美鳳以罪徙儋州至南海為獠賊所殺骨某氏私之對曰一婦人不足事眾男子請推一長者賊然之乃請更衣有頃盛服立于舟罵曰受賊辱不如死自沉于海 遼史曰蕭氏耶律諾爾妻小字意辛嘗與姊如會爭言猷魅以取夫寵意辛曰猷魅不如禮法眾問其故曰修己以潔奉長以敬事夫以柔撫下以寬母使君子見其輕易此之為禮法自然取重于夫以猷魅獲寵獨不愧于心乎聞者大慚 又

曰蕭氏小字額哩耶律珠展妻居珠展喪極哀毀既葬  
謂所親曰夫婦之道如陰陽表裏無陽則陰不能立無  
表則裏無所附妾今不幸失所天且生必有死理之自  
然珠展早歲登朝有才不壽妾復何依恃自歎而卒

又曰蕭氏小字綏蘭耶律中妻天慶中為賊所執潛置  
刃于履誓曰人欲污我即死之至夜賊遁而免久之帝  
召中為五院都監及金兵略地嶺南中守節死綏蘭悲  
戚不形人怪之俄躍馬突出至中死所自殺

賢婦人三節烈並入智識才略文學並附

原德配

道成

詩序鵲巢夫人之德也國君積行累功以致爵位夫人之德如鳴鳩乃可配焉

詩序執婦道

母教

婦式

禮母是女師教以德周禮婦之式

以成肅雍之德

采蘋

種橘

詩序采蘋夫人不失職也人于武陵龍陽洲作宅種甘橘千樹臨死

吳志李衡遣

教兒曰洲上有木奴千頭亦當足衣食耳母曰汝父恒稱太史公言江陵千樹橘當封君家吾曰蓋人患無德

義不患不

窺御

解圍

史記晏子相齊其御之妻窺其夫擁大蓋策驷馬意氣揚

富貴也

揚其妻請去是後夫自抑損晏子問之

齊眉

割鼻

以實對薦為大夫

謝道韞事詳嫂叔

後漢梁鴻字伯鸞賃舂于皐伯通廡下妻孟光

每饋食不敢仰視舉案齊眉梁高行詳前

婉婉

窈窕

禮記婉婉婉聽從注婉言語  
婉容貌也詩窈窕淑女

增織屨

投畚

詩韓

外傳楚莊王使齋金百斤聘北郭先生曰臣有箕帚之

使願入計之即謂婦曰楚欲以我為相如何婦曰君以

織屨為食今如結駟連騎所安不過容膝食方丈于前

所甘不過一肉而殉楚國之憂其可乎于是遂不應聘

與婦去之列女傳老萊子耕于蒙山之陽楚王駕至

其門曰守國之孤願見先生老萊曰諾妾曰妾聞之可

食以酒肉者可隨以鞭捶可授以官祿者可隨以斧鉞

今先生食人酒肉受人官祿為人所制也妾不能為人

所制投畚而去碩人賢室詩注莊姜美而無子衛人為之

妻謂之庭趨左傳齊莊公襲莒莒子親鼓之

賢室郊弔庭趨從而伐之獲杞梁齊侯遇其妻

于郊使弔之辭曰殖之有罪何辱命焉若免于罪猶有

先人之敝廬在下妾不敢與郊弔乃弔其室按杞梁即



杞植 唐書曰令狐岵為吉州刺史齊映廉察江西岵以前輩迎謁頗怏怏以告其妻妻曰卿自視何如人頭白走小生前君不以此禮見映即黜死亦不恨岵乃以客禮見映映憾奏貶為衡州別駕 辭餉

負薪

南史朱百年妻亦有高行百年卒于山中蔡興宗為會稽太守餉米百斛孔氏遣婢詣郡固辭時人

美之以比梁鴻妻

晉書吳

延師

窺友

山陰沈繹之年十五

廢學其妻石氏拜舅姑曰新婦姊妹皆為士人妻房願

自出束修延師教之得為士庶不辱門戶

世說山濤

與嵇阮契合金蘭妻韓氏覺公與二人有異謂公曰負

竊之妻亦觀狐趙意欲窺之可乎他日二人來具酒食

夜穿牖以視之達旦忘返公入曰二人何如妻曰君才

殊不如正當以度量相勝耳公曰伊輩亦嘗以我度為

勝

救夫

先妙

後漢書蔡琰嫁于董祀祀犯法當死文姬詣曹操請之時賓客滿座操曰

蔡伯喈女在外為諸君見之文姬進蓬首徒行請罪音  
辭清辯音甚酸痛操乃出祀罪世說袁隗妻馬融女  
少有才辯隗謂曰弟先兄舉世以為笑今處姊未適前  
行可乎對曰妾姊高邈未遇良匹不如鄙薄苟然而已

却爪

歸茗

明語林劉寧洪武中任刑部主事夫人  
安氏方櫛髮有以爪盛銀餽者安氏被

髮呼僕拘送于朝

又曰鄭曉嘉靖中為文選郎有餽

金者上覆以茗公謂茗也受之夫人手撥茗知之擊柝

語公整理其茗

剗腸

斷髮

元史至正十五年有周  
人婦毛氏美隨夫避亂

麻鷺山中為賊所得脅之曰從我多與若金否則殺汝

剗腸

斷髮

元史至正十五年有周  
人婦毛氏美隨夫避亂

毛氏曰寧剗我心不願汝金賊以刀磨其身毛氏曰汝

碎則臭我碎則香賊剗其腸而去唐書崔繪死妻盧

氏少女兄適工部侍郎李思冲早亡表求繼室詔許之

思冲歸幣三百輦盧曰吾再辱于人乎是夕棄穢蟻面

還崔舍斷髮自誓思冲以聞武后不奪其志詔為尼以

終

守城

投井

列女傳賊圍契平縣鄒保英任刺史領兵討賊既而城孤援寡將陷保英

妻奚氏率家僮及城內女丁固守賊退封為誠節夫人

馬

隋紀裴倫為渭源令賊為賊所陷倫遇害妻柳氏

年四十二女及兒婦皆有美色柳氏曰我輩遭逢禍亂汝父已死我義不受辱與汝等同死何如其女等皆垂泣曰惟母所命柳氏遂自投于井其二女及兒婦相繼而下皆死井中

封髮

斷臂

唐書

賈直言坐事貶嶺南以妻少年訣曰死生不可期吾死可別嫁董氏不答引繩束髮以帛封使直言署曰非若手不開直言貶二十年乃還署帛宛然及湯沐髮墮無餘五代史王凝為饒州司戶參軍以疾卒家貧一子尚幼凝妻李氏攜子負骸骨歸過開封止于旅舍主人不納牽其臂而出之李氏仰天泣曰我為婦人不能守節而此手為人所執邪即引斧自斷其臂開封尹聞之白于朝厚恤李氏而告其主人

束髮

漬衣

輟耕錄王守素錢塘民家女其夫丁棄家為全真道士于吳山紫陽菴一日召守素入山書付四句

云懶散六十三妙用無人識逆順兩相忘虛空鎮常寂坐抱一膝而逝守素遂亦束髮簪冠著道士服奉夫遺

尸二十年迹不下山年逾七十幾于得道又曰漳州

陳端才之妻蔡氏三玉至元間寇起與里中婦女同舟

避難寇追及三玉並以水漬衣寇欲先污之三玉給曰

衣濕更求衣寇信之更取衣三玉投水死寇退三玉之

父端廣舟次上流尸逆流附父舟移舟溯河而上尸從

之上者三父異甚視之則其女也因痛哭而收斂其尸

原挽鹿車

臥牛衣

後漢書鮑宣妻桓氏字少君宣從桓氏父學父奇其清苦以女

妻之資送甚盛宣不悅妻曰既承奉君子唯命是聽乃

衣短布裳與宣共挽鹿車歸拜姑禮畢提甕出汲修行

婦道宣至司隸漢書王章與妻居冬無被卧牛衣中

涕泣妻怒呼曰京師尊貴誰如仲卿不自憤激乃反涕

欽定四庫全書

欽定四庫全書

卷二百四十六

三

泣後章至京兆尹欲上封事妻止  
曰人當知止章不從竟死獄中

頌椒花 咏柳絮

晉書劉臻妻陳氏正旦獻椒花頌  
世說謝道韞王凝之妻謝安姪女詳叔姪

林下風 閨

中秀 世說王凝之妻謝氏道韞有才辯同郡張元妹有  
才質適于顧氏張元稱之以敵道韞有濟尼者游

于二家或問之尼答曰王家夫人神情朗徹有  
林下風氣顧家婦冰清玉映自是閨房之秀 殺江

充 罵姚萇 晉書張茂妻陸氏茂為吳郡守被江充所  
殺陸氏傾產率茂部曲為先登討充充敗

為陸所殺 又曰苻登妻毛氏善騎射登為姚萇所  
殺乃率壯士與萇戰殺傷甚衆為萇所執罵萇而死

戒失學 勸立功 後漢書樂羊子遠尋師學一年來歸  
妻跪問故樂羊子曰久行懷思無他

異也妻乃引刀趨機而言曰此織生于蠶繭成于機杼  
一絲之累以至于寸累寸不已至于丈匹今若斷斯織

也則損失成功稽廢時月夫子從學中道而歸何異斷斯織也羊子感其言復往終業七年不返唐書薛仁

貴妻柳氏曰夫有高世之材要須遇時乃發

### 拔圍出夫

### 踰城救父

劉晉書

妻邵續女驍果有父風遐為石季龍所圍妻單將數騎拔出遐于萬人之中又田防為亂遐應之妻止之不從乃密燒甲都盡又曰荀崧女灌崧為襄城太守為杜曾所圍欲求救于平南將軍石覽灌時年十三率勇士數十人踰城突圍且戰且前詣覽乞師兵至賊走

### 陝境不雨

### 韓市呼天

晉書

陝婦人接居事叔姑甚謹家欲嫁之毀面自誓後叔姑病死有女在夫家從婦乞假不得因誣殺其母有司誅之烏哀鳴尸上盛夏暴之十日不腐蟲獸亦不敢近境內經年不雨呼延謀為太守謁其墓諡曰貞烈婦其日大雨史記聶政殺韓相俠累披面抉目自屠死韓購以千金久之政姊嫪聞之曰吾弟為吾在重自刑以絕

妾柰何畏沒身之誅滅賢弟之名乎乃之韓市呼天者三死政之旁

臨危請姑 代夫

留獄

晉禮志陳詵妻遭亂詣賊請活姑命王愆期議曰鄙野人而臨危請姑險不忘順可謂孝矣後漢

書盛道妻趙氏字媛姜並部亂道聚眾起兵敗當死媛姜夜告道速逃建立門戶妾留獄代夫媛姜乃解道桎梏子翔五歲令攜走度道已遠以實告吏應時見殺道會赦放歸終身不娶

官大家昌

夫耕妻餉

列女傳陶大夫治陶三年名譽不興家富三倍妻怒曰子能薄而官大是謂蒙害無功而

家昌是謂積殃昔楚之令尹治國家貧而國富君敬之民戴之故福祿終其子孫名垂後世今子貪富務大不顧後害請去晉書陶潛妻翟氏與潛志趣相同能安苦節夫耕于前婦餉于後

身先國稅

家禁時妝

周行逢為武平節度使妻鄧氏陋而剛決善治生嘗諫夫用法太嚴行逢怒鄧氏因

之村墅遂不復歸行逢屢遣迎之不至一旦自帥僮僕  
來輸稅行逢曰夫人何自苦如此曰稅官物也公不先  
輸何以率下且獨不記為里正代人輸稅以免楚撻時  
乎因話錄崔樞夫人治家整肅貴賤皆不許時世安

椎髻改妝

澣衣被絮

後漢書梁鴻字伯鸞扶風人  
家貧不娶同縣孟氏女貌醜

而黑力舉石臼擇對不嫁曰欲得賢如梁伯鸞者鴻聞  
而聘之及嫁以妝飾入門鴻曰吾欲得褻褐之人可與  
俱隱深山耳乃衣綺縞傅粉黛豈鴻所願哉妻曰將以  
觀子之志耳妾自有隱居之服更為改妝椎髻著布衣  
鴻大喜曰此真梁鴻妻也乃共入霸陵山中以耕織為  
業晉書吳隱之為晉陵太守妻冬月無被欲澣衣則  
被絮紡織以供朝夕

禮儀規矩

祖德儒風

史通東漢一代賢  
明婦人如秦嘉妻

徐氏動合禮儀言成規矩者鮮矣嘉字士會隴西人  
李白集范傳正為宣歙觀察使訪李白子孫獲孫女二



人一為陳雲妻一為劉勸妻皆編戶氓也因召至郡庭相見衣服村落形容樸野而進退閒雅應對詳諦祖德如在儒風宛然問其所以曰父伯禽不祿有兄一人出游不返無桑以自蠶非不知機杼無田以自力非不知稼穡布裾糲食何所仰給儷于農夫救死而已言訖淚下傳正告以將改適士族二女曰夫婦之道命也亦分也在孤窮既失身于下里仗威力乃求援于他門生縱偷安死何面目見大父于地下乎

以康為

謚送別作詩

魯史黔婁死曾子與其門人往弔之見其尸在牖下覆以布被手足不盡斂覆

頭則足見覆足則頭見曾子曰斜引其被則斂矣其妻曰斜而有餘不若正而不足也曾子曰先生之終何以為謚妻曰以康為謚曾子曰先生何樂於此而謚為康乎妻曰昔君嘗欲授之政先生辭而不為是有餘貴也君嘗賜之粟先生辭而不受是有餘富也先生不戚戚于貧賤不忻忻于富貴其謚曰康不亦宜乎

侯鯖錄

宋真宗東封訪天下隱者得杞人楊璞璞能詩及召對  
自言不能上問臨行時有人作詩送行否璞曰獨臣妻  
有詩曰更休落魄貪杯酒亦莫猖狂愛詠  
詩今日捉將官裏去這回斷送老頭皮

### 歌成黃鵠

### 樹宿鴛鴦

列女傳魯陶嬰者陶明之女也少寡養幼  
孤無彊昆弟紡績為產魯人或聞其義將

求焉嬰聞之恐不得免乃作黃鵠之歌明已之不肯二  
適也魯人聞之遂不敢復求又曰韓憑為楚康王舍

人妻何氏美王欲奪之乃築青陵臺而望焉奪何因憑  
何乃作烏鵲歌二首以見志又作書答夫憑得書自殺  
何即陰腐其衣與王登臺遽自投下得遺書于帶間曰  
願以尸還韓氏合葬王大怒令分埋之兩塚相望經宿  
忽有梓木各生于塚枝連于上根交于下又有鳥如鴛  
鴦常雙栖其樹朝夕悲鳴人皆謂韓大夫之精魂也

### 粉書扉上

### 鞋易市中

後漢書陰瑜妻荀爽女也名  
采早寡父母欲強嫁郭爽

以詐疾召采采歸而懷白刃與執奪不得已到郭氏偽  
為歡建四燈共談奕敬憚之及曙奕出采叱左右辨浴  
既入室以粉書扉曰尸還陰氏字未成恐人來乃以衣  
帶自縊死侯鯖錄程公鵬舉在宋季被掠于張萬戶  
家為奴張以所掠宦家女妻之婚三日即謂夫曰君才  
貌非久在人下者何不為去計乎夫疑其試已訴于張  
張命妻之越三日復告夫愈疑又訴于張張命出之賣  
于市人家妻臨行以所穿繡鞋一易程一履泣曰執此  
可期相見矣程感悟奔歸至元朝程為陝西行省參知  
政事遣人攜鞋履往興元訪求之市家云此婦以所成  
布匹償賣價乞身為尼見居某菴遣人即往故遺鞋履  
于地尼問其由具道所以尼出鞋履示之合亟拜曰吾  
主母也尼曰歸見程相公與夫人致意竟不再出告以  
參政未再娶亦不出旋報程移文本省遣使具禮迎至  
陝西重為

夫婦焉

蘭陵縣君安南節婦

彙苑韋雍在幽州幕府朱克融亂雍

被劫雍妻蕭氏聞難與雍皆出左右格之不退雍臨及  
蕭氏呼曰我苟生無益願今日死君前遂自死文帝太  
和中贈為蘭陵縣君唐紀全節婦者安南賊帥齊亮  
之母也夫死以忠義誨其子亮不聽遂絕之自田而食  
自紡而衣代宗大厯初下詔褒  
之乃賜以兩丁奉養號曰節婦 雙節一門 二尸同

處

彙苑任士中妻俞氏年二十而寡生一女方二歲生  
一男纔五月姑先卒舅游遠方家貧無依親戚勸之

改適俞斷髮自誓強之欲自刎乃止以紡績為業教育  
子女女長嫁俞邦明亦早寡誓死不改節歸與母同居  
守志有司上其事遂旌表所居曰雙節之門 又曰嚴

庸為儒學生一日歸省途中溺水死妻袁氏年十八亟

趨夫溺處尋尸不見遂投水死兩月餘水退漁人于沙  
際見二尸同處焉皆以為節義之感有司以事聞表為

貞烈

詔贈夫人

石旌烈女

唐書薛仁果降將旁公地  
復叛所過剽害掠王氏女

醉寢于野王取公地所佩刀斬之送首梁州詔封女為  
崇義夫人

孔帖

韓楚言軍敗妻李語之曰君常辱成

內軍敗且支解不如死楚言不決李礪刀席下方共食

復語之夫曰未可知李取刀斷其首并殺三子乃自剄

成內畏其烈以禮葬

之刻石表曰烈女

入幃剔目

投棺割耳

唐書房

時病幾死謂妻盧氏曰吾病草卿年少不可寡居善事

後人盧泣入幃剔一目以示玄齡明無他志會玄齡病

尋愈禮之終身

彙苑魏溥妻房氏幼有烈操年十六

溥卒及斂房乃割左耳投棺中仍曰鬼神有知相期泉

壤其姑劉氏曰新婦何至于此對曰新婦年少不幸早

寡實慮父母未諒至情以此自誓耳聞者莫不感愴

投清風嶺

號節婦墓

彙苑德祐二年冬元兵入浙

既而舅姑及夫皆死主將見其美欲納之恐其自縊乃令

俘婦離守之明年春師還行至嵎縣之清風嶺下絕壑處

貞婦視守者少懈投崖而死郡守立石祠嶺上又曰

紹興三年春盜起建昌過臨江歐陽希文與妻廖氏共

挾其母走山中為賊所追廖以身蔽姑使夫潛負以逃

賊執廖欲汙之廖正色叱之賊知不可屈揮刀斷其耳

臂廖氏大罵語絕而仆鄉

人義而葬之號廖節婦墓

渤海夫人

廬江小吏

海

封夫人諱絢字景文善草隸工文章咸通中適殷校書

庾子冬賊起遂為所俘夫人正色奮袂大罵賊怒殺之

殷校書歸揮淚大慟遂長號而絕三婢子覩主父主母

俱殯乃相攜投浚井而死世稱渤海夫人焉

寰宇記

合肥有小吏港漢建安中廬江小吏焦仲卿妻劉氏為

姑所出自誓不嫁其家逼之乃投水而死仲卿聞之亦

自縊時人憐

之遂名其地

忠臣之婦

宰相之妻

後漢書皇甫規妻善屬文兼工

草書規卒董卓以厚禮聘之妻乃詣軍門自陳卓使侍

者拔刀圍之妻知不免大罵曰君西羌之種毒害天下

猶未足邪皇甫氏文武上才為漢忠臣汝其走吏敢行  
非禮卓引車庭中以其頭懸轆轤鞭朴交下妻謂持杖者  
速盡為惠遂死車下世說唐宰相元載夫人王氏韞  
秀少有識量節操聞於掖庭後載既得罪代宗欲令王  
氏入宮備彤管歲規之任王歎曰王家十三娘二十年  
太原節度使女十六年宰相妻誰能書得昭陽長信之  
事即得罪亦幸

鉛膏締綵

寶帶異袍

唐書盧惟清

徐還鄉里糲食斥鉛膏締綵不御會大赦徐間闕往迎  
惟清至荊州聞惟清死二驛奴將劫徐歸下江徐知之  
數其罪奴不敢逼劫其貲去徐倍道行至播州足繭流  
血得惟清尸以還又曰趙州刺史高叡為默叡所攻  
州陷叡仰藥不死默叡示以寶帶異袍曰降我賜汝官  
不降且死叡視妻秦秦曰君受天子恩當以死報賊一  
品官安足榮自是皆瞑目

澗生席草

字剪皮金

語

無錫儲福靖難兵至調曲靖衛卒挈家行日夜涕泣守義而死妻范氏養姑韓氏每哭其夫輒走山谷中大號不欲姑聞之也一日范至澗邊浣衣見其傍草生若席草因取以織席售而養姑姑年七十餘乃卒范營葬為廬于墓側亦年八十餘卒席草遂不生又曰王烈婦者劉女也夫死密製紵服盡飭又剪一皮金為一香字以示侍女曰此所以志也吾骨亦若是耳晨奠其夫局戶自縊有異風歛起者再

### 待夫完配

### 撫妾守喪

語林解縉胡廣兩家皆有孕成祖命指腹為婚縉生子廣生女上與定聘後縉死詔

獄子戍邊廣欲離婚其女斷髮自誓曰薄命之婚上所定也誰敢易之後縉子遇赦還遂為夫婦又曰樂清

章文寶聘金氏未成婚納妾包氏有妊而文寶且死金

氏聞堅請往視文寶一見即逝金氏撫妾守喪妾生子

綸親教讀書成進士官禮部郎景泰時欲疏請復儲恐

貽母憂金氏聞之曰汝能死諫我無恨也疏上忤旨杖



幾死錮詔獄金氏怡然

後綸官至禮部侍郎

智識饋飧寘壁 謝使解環

左傳晉公子重耳至曹傷負竊之妻曰吾觀晉公子之

從者皆足以相國反其國必得志于諸侯而誅無禮曹

其首也子盍蚤自貳焉乃饋盤飧寘壁焉 戰國策齊

襄王以太史氏為王后襄王卒子建立后事秦謹與諸

侯信故四十餘年不受兵始皇嘗使使者遺后玉連環

曰齊多知解此環否后以示羣臣羣臣不知解后引推

椎破之謝秦使

曰謹以解矣

雞餐謝客 粟粥待夫

漢書武帝微行嘗夜至桓

谷投逆旅主人求漿疑上為姦盜聚少年欲攻之主人

嫗睹上狀貌而異之止其翁曰客非常人也且有備不

可圖翁不聽嫗飲翁以酒醉而縛之少年皆散走嫗乃

殺雞為餐以謝客 世說魏許允為吏部郎多用鄉里

明帝收之妻阮氏誠允曰明主可以理奪難以情求既

至帝覈問之對曰舉爾所知臣之鄉人臣所知也陛下

檢校為稱職與否若不稱職臣受其罪既而檢校皆官  
得其人于是釋允初允被收舉家號哭阮自若云無憂  
尋當還作粟粥以

### 丹陽復還 武龍得免

通鑑吳丹陽尹李衡

數以事侵瑯琊王妻習氏諫之不聽及王即位衡憂懼  
欲奔魏妻曰不可瑯琊王素好善慕名終不以私嫌殺  
君明矣可自囚詣獄表列前失顯求受罪乃當逆見優  
饒衡如安言果詔曰丹陽尹李衡以往事之嫌自居囚  
獄其遣還郡 又曰上林令侯敏素諂事來俊臣妻董  
氏戒之曰俊臣國賊指日將敗君宜遠之俊臣怒出為  
武龍令敏欲不往妻曰速去勿

### 悉散珠玉 不受衣

留俊臣敗其黨皆流敏獨得免

**裳** 通鑑呂祿過其姑呂嬃嬃大怒曰若為將而棄軍呂

氏今無處矣乃悉出珠玉寶器散堂下曰毋為他人

守也 齊書符承祖方用事親姻多趨附以求利其從

母楊氏為姚氏婦獨否嘗謂承祖之母曰姊雖有一時

之榮不若妹有無憂之樂妙與之衣裳多不受

預知虎步

自戒雞晨

通鑑桓元

后劉氏有智鑒謂元曰劉裕龍行虎步瞻視不凡恐終不為人下不如早除之

續世說唐太宗嘗與后論及

賞罰之事后曰牝雞之晨惟家之索妾婦人豈敢與聞政事太宗固與之言竟不答

馮媛當熊

桓君挽鹿

漢書漢元帝幸虎圈後宮皆在熊佚出圈板檻左右皆驚走馮婕妤直前當熊而立

上問何故對曰妾聞猛獸得人而止妾恐熊至御座故以身當之

列女傳鮑宣子永為魯郡太守永子昱問

少君曰太夫人寧復識挽鹿車時否曰先姑有言存不忘亡安不忘危吾焉敢忘乎

長信婕妤

披香博士

通鑑趙飛燕譖告許皇后班婕妤祝詛主上許后因廢考問班婕妤對曰修正尚未

蒙福為邪欲以何望使鬼神有知不受不臣之愬如其無知愬之何益帝赦之

又曰帝微行至陽阿主家悅

歌舞者趙飛燕召入宮大幸女弟復召入姿性尤穠粹  
左右見之皆嘖嘖嗟賞時披香博士淖方成白髮教授  
宮中號淖夫人在帝後唾  
曰此禍水也滅火必矣  
才略帷車袖劍 肩輿抽

刀 魏志趙娥父為李壽所殺娥乃帷車袖劍白日刺壽  
于都亭詣縣顏色不變曰父讐已報請受戮縣尹縱  
之娥不肯遂強載還家會赦得免 通鑑孫恩陷會稽  
王凝之出走恩執而殺之并其諸子凝之妻謝道韞奕  
之女也聞寇至舉措自若命婢肩  
輿抽刀立門手殺數人乃被執  
平陽公主 誠節

夫人 唐書公主嫁柴紹初高祖兵興主與紹發家貲招  
亡命渡河主引精兵萬人與秦王會渭北紹及主  
對置幕府平定京師號娘子軍 唐書鄒保英妻奚氏  
賊寇平縣保英時任刺史領兵討擊既而城孤援寡將  
陷奚氏乃率家僮及城中女丁  
相助固守賊退封為誠節夫人  
皆補果毅 特封循

忠

史思明之叛衛州女子侯滑州女子唐青州女子王相與軟血赴行營討賊皆補果毅唐書默啜攻飛

狐縣古元應妻能固

佐建功勛

與參謀議

通鑑石勒妻劉

守詔封值忠縣君

氏有膽略勒與之參決軍事佐勒建功勛有呂后之風

而不妒更過之又曰朱全忠夫人張氏陽山人多智

略全忠敬憚之雖軍府事時與參謀議或將兵到

中途夫人以為不可遣一介召之全忠立為之返

恨

非男子

得字夫人

唐書竇毅女聞隋高祖受禪自投牀下曰恨我非男子不能救舅家

禍後適唐公李淵

下魏

錦繖夫人

繡旗女將

列女

衡妻王氏事見前節烈類

傳馮寶妻洗氏封石龍夫人戰則錦繖夫人

至老未敗年八十而終

金史與李全戰者

文學詩

成統扇

句詠金釵

樂府序班婕妤好能文漢成帝寵之後幸趙飛燕婕妤好自知見棄求供

養王太后于長信宮因為賦及紈扇詩 朝野僉載  
楊盈川姪女曰容華為新妝詩有鳳釵金作縷之句

繡作龜形

書題鴈字

唐紀會昌中有邊將張揆防邊  
近十年其妻侯氏繡迴文作龜

形詩詣闕進之

齊錄毛友龍達可未第時  
其內人寄以一詩有擬憑歸雁寄天隅之句

妻誄其

夫父和其女

列女傳

柳下惠妻誄其夫門人不能竄  
一字 冷齋夜話王荆公女吳安持之

妻蓬萊縣君有詩寄荆公云云荆  
公以楞嚴經新釋付之和其詩

織錦迴文

彈箏

譜曲

上竇滔妻蘇氏事見夫婦類  
有美女姓秦名羅敷為邑人千乘王仁妻仁後為

崔豹古今注邯鄲

趙王家令羅敷出採桑于陌上趙王登臺見而悅之  
置酒欲奪之羅敷善彈箏作陌上之曲以自明焉

學擅文章

名垂金石

孔帖殷保晦妻封教孫也名絢  
字景文能文章草隸 房璘妻

高氏筆畫道麗不類婦人歐陽公云予集古錄已博矣而婦人筆畫名著于金石者高氏一人而已

書

成東觀詩約西池

列女傳班彪女名昭一名姬博學高才兄固著漢書其八表及天文

志未及竟而卒和帝詔昭就東觀藏書閣踵而成之又作女誡七篇有助女訓所著賦頌銘誄問注哀辭書論上疏遺令凡十六篇又作大家讚隱居詩話王荆公夫人嘗有家詞約諸親游西池云待得明年重把酒那知無雨又無風

四百餘篇 二十八字

列女傳蔡邕女名琰字文姬博學有才辨

曹操問曰聞夫人家多墳籍猶能憶識之否姬曰昔亡父賜書四千餘卷固有存者今所誦纔四百餘篇耳乞給紙筆真草惟命于是繕書送之文無遺悞王直方詩話白藕作花風已秋不堪殘睡更迴頭晚雲帶雨歸飛急去作西窓一枕愁此趙德麟細君王氏所作也初趙鰥居見此篇遂與之婚余以為二十八字媒也

兄稱博士 詩寄良人

魏書甄后年九歲喜書用諸兄筆硯兄謂后曰汝當作女博士

耶答曰古者賢女未有不覽前世成敗以為己戒不知書何由見之 南部新書杜羔妻劉氏善為詩羔屢舉

不第將至家妻先寄以詩羔見

詩即回去尋登第妻又寄以詩

稱徐惠妃 號女進

士 唐書徐惠妃以上東征高麗西討龜茲翠微玉華營繕相繼又服玩頗華靡遂上疏切諫 南楚新聞關

圖有妹能文每語人曰

對鏡圖形 援琴作歌

雲漢友議

有一進士所恨不櫛耳

對鏡圖形

援琴作歌

雲漢友議

南楚材旅遊似無返舊之意其妻薛媛知之乃對鏡自

圖其形并作詩寄之楚材遂歸復為夫婦如初 風俗

通百里奚去虞將適秦其妻以門關烹雞母餞之後奚

為秦相堂上樂作所賃澣婦自言知音呼之因援琴撫

絃而歌名虞序歌奚

文成女則 詞寄夫君

唐書長孫后嘗

憶其事復為夫婦



采自古婦人得失事為女則三十卷

西清詩話卽舜

中諸女皆能文詞每兄弟內集必聯咏為樂其女嘗作

寄夫詩云簾裏孤燈覺曉遲獨眠留得宿

才著女官

妝眉珊瑚枕上驚殘夢認得蕭郎馬過時

鄉稱閤老

詠林宣德中女官王司綵著宮詞一首蓋

又曰烏程沈氏名瓊蓮字瑩中聰慧善屬文入宮為

給事中孝宗嘗試守官論沈云甚矣秦之無道也官豈

必守哉上悅擢為第一禁中稱

序旌慈母學代嚴

為女學士鄉人稱為女閤老

師又曰韓參議汝慶妻屈氏有詩才及卒女韓異悲母

集散失以書貽康對山乞序書云願藉皮為楮削骨

代穎以傳母集對山感其誠為作序表揚之又曰孫

文恪陞妻楊氏有才學能為詩麗而則于諸子孫為嚴

師楊為工部負外應獅女文恪繼室四子皆至卿貳

為夫人所出者二諸孫皆進士如游官至大學士

茂四德而蘭幽有馨

潔百行而玉立無玷

並王維集

珠

玉滿堂不忘于澣濯

歌鐘成列載玩于圖書

沈雲卿文

象服之飾配德於山河

彤管之嚴比潔於圭璧

樂城集

### 賢婦人四

增永巷脫簪

通鑑周宣王嘗晏起姜后脫簪跪于永巷

謀于桑下

左傳晉公子重

耳過齊桓公妻之

公子安之從者謀于桑下蠶妾以告姜氏姜氏殺之而告公子曰子有四方之志其聞之者

吾殺之矣乃與子

必戒其夫

左傳伯宗每朝其妻必戒之曰盜憎主人民怨

其上子好直言必及

耳忌和音

張華女史箴衛君矯桓耳忌和音

于難伯宗不從故及

樊姬諫獵

張敞傳楚莊王好田獵樊姬為之不食鳥獸肉

與之石窌

左傳齊晉戰于

鞏齊師敗績齊侯自徐闕入女子曰君免乎曰免矣銳

司徒免乎曰免矣曰苟君與吾父免矣可若何既而問

之辟司徒之妻

磨笄自殺

史記趙襄子登夏屋山請代王使宰人操銅斗擊代

也與之石窌

王殺之其妙聞之呼天磨

射穿七札

列女傳晉平公使弓人為弓三

年乃成射不穿一札將殺之其妻見公曰妾之夫造此

弓亦已勞矣而不能穿一札是君不能射也妾聞射之

道左手如拒右手如附枝右手發之左手

割歡同輦

不知公如其言而射穿七札賜金三鎰

張華女史箴班女有辭割

吟寄白頭

西京雜記司馬相如將聘茂陵

歡同輦班女即班婕妤好也

女為妾文君作白頭吟以自絕相如

令嫵女誠

後漢書班

乃止長卿消渴卒文君誄之傳于世

昭作女誠馬融善之令婦女習焉

執刀侍立

蜀志孫權以妹妻先主妹才氣剛猛有諸兄之

風侍婢百餘人皆親執刀侍立先主每入中心嘗凜凜

婦有四德

魏許允婦奇醜交禮後不

復入房後至婦所謂婦曰婦有四德卿有其幾答曰新婦所乏者容耳士有百行君有其幾允曰皆備婦曰君

好色不好德何謂皆備

兵守孤城

唐書李希烈謀襲陳州李侃為項城

許有慙色遂相敬重

令以城小欲逃歸妻楊氏曰縣不守則地賊地也倉廩府庫皆其積也百姓皆其戰士也遂募死士固守賊遂

去縣卒完遷

散財募兵

通鑑崔寧與楊子琳戰數不利崔寧妻仕氏出家財數十

侃為太平令

萬募兵得數千人以擊子琳破之子琳走

題詩返寄

元史吳叔仁業太學寄簡于妻韓氏韓拆

簡乃白紙一幅遂題詩返寄之曰碧紗牕下拆緘封一紙從頭徹底空料想仙郎無別意憶人長在不言中吳

大賞復

寄以詩

賢婦人五

原詩齊王融秋胡詩曰日月共為照松筠俱以貞佩紛  
甘自遠結鏡待君明且協金蘭好方愉琴瑟情佳人忽  
千里空閨積思生 增百里奚妻虞庠歌曰百里奚五  
羊皮憶別時烹伏雌炊麋庠今日富貴忘我為 唐楊  
容華新妝詩曰宿鳥驚眠覺房櫳柔曉開鳳釵金作縷  
鸞鏡玉為臺妝似臨池出人疑向月來自憐終不見欲

去復徘徊 張揆妻侯氏繡迴文作龜形詩曰睽離已

是十年強對鏡那堪更理妝聞雁幾回修尺素見霜先  
為進衣裳開箱疊練先垂淚拂杵調砧更斷腸繡作龜  
形獻天子願教行客早還鄉 宋王荊公女吳安持之

妻蓬萊縣君寄荊公詩曰西風吹入小牕紗秋氣應憐  
我憶家極目江山千里恨依然和淚看黃花 毛友龍

未第其內寄詩曰別燭新封錦字書擬憑歸雁寄天隅  
經年未報干秦策不識如今舌在無 南楚材妻薛媛

對鏡圖形寄夫詩曰欲下丹青筆先拈寶鏡寒已經顏  
索寞漸覺鬢彫殘淚眼描來易愁腸寫出難恐君渾忘  
却時展畫圖看 明沈瓊蓮贈弟詩曰自出辭家入禁  
闈人間天上兩依稀朝隨鳳輦趨青瑣夕捧鸞書入紫  
微銀燭燒殘空有淚玉釵敲斷竟無歸年年望汝題金  
榜同補山龍上袞衣

原箴晉裴頠女史箴曰膏不猷鮮水不猷清玉不猷潔  
蘭不猷馨爾形信直影亦不曲爾聲信清響亦不濁綠

衣雖多無貴于色斜徑雖利無尚于直春華雖美期于  
秋實冰璧雖澤期于見日浴者振衣沐者彈冠人知正  
服莫知行端服美動目行美動神天道祐順常與吉人  
原贊晉左貴嬪楚狂接輿妻贊曰接輿高潔懷道行謠  
妻亦冰清同味元昭遺俗榮津志遠神遼 又荆武王  
夫人鄧曼贊曰天道惡盈極數則微邈哉鄧曼心映禍  
幾覩兆歎亡考德知哀賢智卓殊邈哉難追 又齊杞  
梁妻贊曰遭命不辰逢時險屯夫卒宮場郊弔不賓哀



崩高城訴情穹旻遂赴淄川託軀清津 晉鈕湣母孫

氏公孫夫人序贊曰夫人姓公孫氏會稽剡人也夫人

資三靈之淳懿誕華宗之澄粹奇朗昭於髣髴四教成

於弱笄慈恩溫恭行有秋霜之潔祇心制節性同青春

之和敦悅憲章動遵禮規居室則道齊師氏有行則德

配女儀禮服有盈邁豆無闕猗歟夫人天姿特挺行高

冰潔操與霜整性揚蘭芳德振玉頴猗彼瓊林奇翰有

集展彼碩媛含德來綺動與禮游靜以義立

原碑晉張林陳夫人碑曰夫人姓徐吳郡嘉興人也夫

人少膺靈粹誕茲淑貞聰哲明敏溫恭柔順體仁足以

長人嘉德足以合禮恭順不惰其心明烈實備其體若

夫柔惠清順中和聖善婦德既備母道亦踐志厲冰玉

厥德靡顯靡靡其操翼翼其仁明景內映朗節外新芳

徽風邁淑慎其身 增白樂天元夫人墓誌昔漆室緹

縈烈女也及為婦則無聞伯宗梁鴻之妻哲婦也及為

母則無聞文伯孟氏之親賢母也為婦時亦無聞今夫

人為女則孝友為元氏婦則豐潔家祀為母則執書誨  
二子皆已通經女美如此婦德母儀又如此三者具美  
可以冠古今矣

原書晉鈕湣母與虞定夫人薦孫夫人書曰瓊聞興賢  
崇德聖主令典旌善表操有邦盛務伏見族祖吳國亡  
民富春孫彥妻環少厲令節伏膺道教逮適孫氏恪居  
婦職宗姻有聲奉禮未周彥母喪殯半年彥奄亡沒環  
率禮奉終抗義明節傾竭私產以供葬送禮服既終前

無立子家欲改醮誓而不許

原解晉湛方生上貞女解曰伏見西道縣治下里龍憐  
年始弱笄出適皮氏未逾半年聳京殞沒京兄弟三人  
相尋凋落外靡期功之親內絕胤嗣之繼憐貨其父母  
之資三喪俱舉四節蒸嘗于今不輟志存匪石之固行  
無片言之玷賢良屢聘誓而弗許守節窮居于今五十  
餘年矣詳觀古之遺烈書於記傳者或毀髮膚之體以  
絕求者之望或自經溝中苟全不奪之志雖操存而身

亡行立而形虧寡能兼全其道始終若斯者也憐葢草  
萊之婦人耳生于幽谷之中長于荒榛之下目不見尺  
素之文耳不聞今古之說師心率已蹈茲四德抑可謂  
稟靈山岳自然天知者矣而彤管未揮令問不彰非所  
以表賢崇善激揚貞風

增誅柳下惠妻誄曰夫子之信誠與人無害兮嗚呼哀  
哉魂神泄兮夫子之謚宜為惠兮

惡婦

原貪錢

世說王衍雅尚淡遠常嫉其婦貪濁口未嘗言錢字

春穀

管子女三嫁入於春穀言

由是不貞順也

奇衰

周禮奇衰媚也

陰訟

謂爭中葺之言

怨耦

怨耦曰仇

乘夫

詩乘陵也

豔妻之煽

詩豔妻煽方處

牝雞之晨

書牝雞無晨牝雞之

晨惟家之索

防猶不至

禮以此防人婦猶有不至者注不至謂不親于夫不孝于舅姑

近則不遜

論語女子難養近之則不遜遠之則怨

庸奴其夫

見慢夫類

不

宜其妻

禮不宜其妻宜善也

婦順不修

禮記

婦怨無終

左傳女德無極

婦怨無終


不思淑女之章

詩窈窕淑女

且壞夫人之法

世說東海

家內則郝夫人之法



御定淵鑒類函卷二百四十六

# 欽定四庫全書

子部

御定淵鑑類函卷二百四十七

詳校官內閣學士臣尹壯圖

主事臣祁韻士履勘

總校官進士臣繆琪

校對官編修臣吳省蘭

謄錄監生臣魏淳耀



欽定四庫全書

御定淵鑑類函卷二百四十七

人部六

妒婦  
後妻

寡婦  
妾

喪妻

妒婦一

增詩曰螽斯羽詵詵兮宜爾子孫振振兮注言后妃不妒忌而子孫衆多也又曰南有樛木葛藟纍之樂只君子福履綏之注后妃能逮下而無嫉妒之心故衆妾稱願之詩箋曰以色曰妒以行曰忌史記曰女無

美惡入宮見妒 又曰好女入室惡女之仇 戰國策

曰婦人之所以事夫者色也而妒者其情也 山海經

曰太室山有木葉如梨而赤理其名曰帝休服之不妒

妒婦二

原左傳曰叔向之母妒叔虎之母美而不使見叔向諫

其母曰深山大澤實生龍蛇彼美余懼其生龍蛇以禍

汝我何愛焉使往侍寢生叔虎 漢書曰陳后寵哀妒

甚令巫祭祀以迴上意 又曰呂氏妒戚夫人髡鉗赭

衣使春又斷手足去目燠耳飲瘖藥名曰人羶 又曰  
廣川王去嘗有疾姬陽成昭信侍視甚謹去愛之立爲  
后又有幸姬陶望卿爲修靡夫人主繒帛昭信譖望卿  
曰與我無禮衣服常鮮於我畫工畫望卿舍望卿袒裼  
傅粉其傍又數出入南戶窺郎吏疑有姦去曰伺之益  
不愛望卿昭信知去怒誣言望卿歷指郎吏卧處具知  
其主名去即與昭信從諸姬至望卿室羸其身更擊之  
令諸姬各持燒鐵共灼之望卿自投井死昭信出之椓

代陰中割其鼻脣斷其舌支解置大鑊中取桃灰毒藥并煮之令諸姬觀糜盡乃止 魏志曰馮方女美袁術納焉甚寵幸諸妾害其寵因共殺而懸之言其自縊又曰袁紹婦劉氏甚妒紹死未殯寵妾五人劉盡殺之又毀其形其少子尚又盡滅死妾家焉 王隱晉書曰賈充妻郭產子黎民三歲乳母抱向閣充入就乳母手中戲之郭遙望見疑充即鞭乳母殺之兒思乳母而死郭又生一男乳母抱在中庭充過拈頰郭又疑復殺乳

母男又死 郭子曰孫秀妻蒯嘗妒罵秀爲貉子秀大

不平遂出不復入

詳赦宥

妒記曰王丞相曹夫人性甚

忌禁制丞相不得有侍御時有妍少必加誚責王公不能久堪乃密營別館衆妾羅列男女成行後元會日夫人於青疏中觀望忽見兩三小兒騎羊皆端正夫人語婢云汝出問此是誰家兒給使不達旨乃云此是第四五等諸郎曹氏驚恚不能自忍乃命駕車將黃門及婢二十人持食刀欲自出尋討王公亦飛轡出門猶患遲

乃以左手攀車欄右手提麈尾以柄打牛狼狽奔馳方得先至蔡司徒聞之乃謂王曰朝廷欲加九錫公知否王以爲信自敘謙志蔡曰不聞加餘物惟聞短轅犢車長柄麈尾耳王大羞慙又曰謝太傅劉夫人不令公有別房公旣深好聲樂後遂頗欲立妓妾兄子外甥等微達此旨共問訊劉夫人因方便稱關雎螽斯有不忌之德夫人知以諷已乃問誰撰此詩荅云周公夫人曰周公是男子相爲爾若使周姥撰詩當無此也又曰

諸葛元直妻劉氏大妒忌恒與元直杖不勝痛纔得一兩仍以手模婦誤打指節腫從此作制每與杖輒令兩手各捉縋跗元直遇見婦捉縋跗欲成衣謂當與已杖失色怖婦曰不也捉此自欲成衣耳乃欣然世說曰桓司馬以李勢女爲妾南郡主拔刀率婢數十人往李所因欲砍之見李在窗前梳頭髮垂委地姿貌絕麗乃徐下地結髮斂手向主曰國破家亡無心以至今日若能見殺猶生之年神色閒正辭旨悽惋主乃擲刀抱之

曰我見猶憐何況老奴

典論曰上洛都尉王琰以功

封其妻哭于家為琰富貴更娶妾故也

馮敬通集曰

敬通有一婢妻任酷妒之擊婢無所不至敬通乃棄遣之因與婦弟任武達書曰不去此婦則家不寧不去此婦則福不生不去此婦則身不榮不去此婦則事不成吾數竒命薄端相遭逢增山堂肆考曰晉武帝太原中詔選良家以充後宮使楊后選所取后性妒不取端正美好惟取長白卞藩女有美色帝舉扇障面語后曰



卞氏佳后曰藩三世后族不宜枉以卑位帝乃止世  
說曰謝公夫人幃諸婢使在前作伎使太傅暫見便下  
幃太傅索更開夫人云恐傷盛德 本事詩曰韋庶人  
頗襲武氏之風執中宗漸畏之內宴唱迴波詞有優人  
唱迴波詞曰迴波爾是栲栳怕婦也是大好外邊祇有  
裴談內裏無過李老韋后色意自得以來帛賜之 天  
中記曰今婦人面飾用花子起自上官昭容所製以掩  
點跡大歷以前士大夫妻多妒悍者婢妾稍不如輒印

面故有月點錢點

妒婦三

原道苦

種妒

夫婦之道苦苦謂不至不答晉書武帝欲爲太子納妃帝曰賈氏之種妒而

少

被傷

告絕

晉書祖約妻無男性妒約亦不敢違常夜寢於外爲人所傷疑妻所爲求

去職不許劉隗劾曰約新荷殊寵當敬以直內而患生婢妾身被刑戮宜貶出帝不罪又曰謝邈字茂度妻

鄭氏妒怨懟與邈書告絕邈以書非婦人之辭疑其門生仇元遠爲之作遂斥元遠

增髡頭

劓鼻

魏志袁紹妻劉氏性酷妒紹死未殯殺其寵妾五人以爲死者有知恐見紹於地下乃髡頭墨面以

毀其形朝野僉載宜城公主下嫁裴奕奕有嬖妹主怒劓鼻斷髮帝怒斥公主爲縣主駙馬左遷

怒斫桃花

命賣阜英

潛確類書武陽女嫁阮宣性絕妒忌家有桃樹一株花葉灼耀

宣歎美之即便大怒令奴取刀斫樹摧折其花  
宋書豫章內史劉休妻王氏妒帝聞之賜休勅與王氏二十

杖令休於宅後開小店命王氏親賣阜英埽帚以辱之

龍騰井上

獅吼河東

南史梁郁皇后酷妒及終化為龍入於後宮通夢於帝或見形光彩照灼帝體將不安龍輒激水騰涌于露井

上為殿衣服委積常置銀鹿盧金甌灌百味以祀之故帝卒不置后東坡居黃岡與陳季常遊季常自以飽

泰禪學其妻柳氏悍客至或聞詬罵聲坡詩戲之曰誰似龍丘居士賢談空說有夜不眠忽聞河東獅子吼挂

杖落手

見圖愈疾

誦賦沉身

齊書劉瑱妹為鄱陽王妃伉儷甚篤王為

明帝所誅妃追傷成疾瑱愛之乃令陳郡殷倩畫鄱陽王與寵姬共照鏡狀如欲偶寢密使嫗姆示妃妃見唾

之罵曰故宜早死于是恩情即歇疾亦徐差 雜俎晉  
太始中劉伯玉妻段氏性妒忌伯玉嘗於妻前誦洛神  
賦語其妻曰娶婦得如此吾無憾焉妻曰吾死何愁不  
爲水神其夜乃自沉於津而死七日託夢伯玉曰君本  
願神吾今爲神矣伯玉寤而畏之遂終身不渡此水婦  
人渡此水者皆壞衣素妝然後敢濟不然風波暴發若  
醜婦雖妝飾而神亦不妒也又并州  
壽陽縣有妒女廟蓋介之推妹也 孝標三同 文

穆四畏

梁書東漢馮衍字敬通妻任氏媿悍不畜媵妾  
兒女自操井臼劉孝標云予與敬通有三同不

遇一同也剛直二同也馮有忌妻自操井臼予亦有忌  
妻家道坎坷三同也聞見錄宋王文穆公夫人悍妒

貴爲一品不置姬侍欲置左右人竟不可得宅後作堂  
名三畏楊文公戲之曰可改作四畏公問其說曰兼畏

夫人 推婢入墓 賜姬出宮 晉書干寶字令升父瑩有  
寵婢母甚妒父亡母乃推

婢入墓中經十年母亡開墓婢伏棺上如生載還經日乃蘇言實父常取飲食與之家中有吉凶事輒語之考校悉驗地中亦不覺惡既而嫁之復生子寶嘗作無鬼論至是始悟幽冥之理作搜神記三十卷唐莊宗有愛姬生子后患之一日元行欽侍上側上問曰爾新喪婦復娶乎吾助爾聘后即指愛姬請曰帝憐行欽何不賜之上不得已陽諾之后趣行欽拜謝行欽再拜起顧姬肩輿出宮矣莊宗不樂稱疾不自得者累日

銀盆綵緞

高髻濃妝

南唐近事兵部尚書杜業妻張氏妒悍業憚之烈祖嘗命元皇

后詔張至內庭誡之曰業位望通顯得置婢妾何拘忌如此張雪涕而言業本狂生遭逢聖運駕馬未竭而又早衰多病縱之將誤於任使耳烈祖聞之大加獎歎以銀盆綵緞賞之雜俎房儒復妻崔氏性忌左右婢不得高髻濃妝一婢新妝稍佳崔氏怒曰汝好妝耶我爲汝妝乃刺其眉以青填之燒鎖梁灼其兩眼角以朱傅

之及痴脫  
癡如妝馬

### 妒婦四

增后妒玉人

拾遺記蜀先主以玉人置  
甘后側玩之后亦妒玉人

令姑鶻鶻梁武

帝平齊獲侍兒十餘輩頗娛於目為郁后所察動止皆  
隔拘憤恚成疾左右識其情者進曰臣讀山海經以鶻

鶻為膳可以療其病使不忌陛下

坐慢出妓

南史梁柳惔性

盡試諸帝從之郁姑膳妒減半

坐慢出妓

南史梁柳惔性

愛音樂而畏憚其婦女妓精麗者畧不取仰視僕射張  
稷與惔狎而為惔妻賞敬稷詣惔先相問夫人惔每欲

見妓常因稷請奏樂其妻隔幔

金瓶賜酒

朝野僉載  
唐初兵部

坐妓然後敢出惔因得留目

尚書任環勅賜二女皆國色妻妒爛二女頭髮盡太  
宗聞之賜金瓶酒云飲之立死不妒即不須飲柳氏拜

敕曰妾與瓊俱出微賤相與輔翼遂致榮宦今多內嬖  
誠不如死乃飲盡然非鴆也睡醒帝曰人不畏死朕亦  
畏之因詔二  
女別宅安置

稱膳脂虎

陸慎言妻沉慘狡妒  
吏民稱曰膳脂虎

### 妒婦五

原詩魏陳王曹植詩曰嗟爾同衾曾勿是志寧彼冶容  
安此妒忌 唐李白玉壺吟曰西施宜笑復宜顰醜女  
效之徒累身君王雖愛蛾眉好無奈宮中妒殺人 又  
怨歌行曰薦枕嬌夕月卷衣戀春風寧知趙飛燕奪寵  
恨無窮 宋蘇軾書孫公素扇詩曰披扇當年笑溫嶠

握刀晚歲戰劉郎不須戚戚如馮衍但與時時說李陽  
原賦梁張纘妒婦賦曰惟婦怨之無極羌于何而弗有  
或造端以構末皆莠言之在口常因情以起恨每傳聲  
而妄受乍隔帳而窺屏或覘窻而瞰牖若夫室怒小憾  
反目私言不忍細忿皆成大寃閨房之所隱私牀第之  
所討論或一朝之發洩滿四海之囂喧忽有逆其妒鱗  
犯其忌制赴湯蹈火瞋目攘袂或棄產而焚家或投兒  
而害壻



寡婦一

增書曰惠鮮矜寡 禮記曰寡婦不夜哭 家語曰昔  
東爨之子慕諸夏之禮有女而早寡為內私壻終身不  
嫁嫁則不嫁矣亦非清節之義也 列子曰思女不夫  
而死 淮南子曰以養孤孀

寡婦二

增家語曰魯人有獨處室者鄰之嫠婦亦獨處一室夜  
暴風雨至嫠婦室壞趨而託焉魯人閉戶不納婦自牖

與之言曰子何不仁而不納我乎子不如柳下惠矣魯人曰柳下惠則可吾固不可吾將以吾之不可學柳下惠之可孔子聞之曰善哉欲學柳下惠未有似于此者左傳曰齊棠公之妻東郭偃之姊棠公死偃御崔子弔見其美使偃娶之偃曰同宗也君出自丁我出自桓又筮之不吉崔子曰嫠也何害前夫當之矣又曰聲伯之母不聘穆姜曰吾不以妾爲姒生聲伯而出之嫁于齊管子奚生二子而寡以歸聲伯聲伯以其外弟爲

大夫而嫁其外妹于施孝叔卻犇來聘求婦于聲伯奪施氏婦以與之婦曰禽獸猶不失伉儷子將若何曰吾不能死亡婦人遂行生二子于卻氏卻氏亡歸二子于施氏施氏逆諸河沉其二子婦人怒曰已不能庇其伉儷而亡之又不能字人之孤而殺之將何以終遂誓施氏又曰嫠不恤緯而憂宗周之亡列子曰愚公謀乎太行之險京城之孀婦有男往助之

寡婦三

原染竹

遺穗

湘川記舜巡狩蒼梧而崩二妃不從以淚染竹竹盡成斑而死也詩彼有遺

秉此有滯穗伊寡婦之利

共牢

同穴

禮一與之齊終身不改故夫死不嫁齊謂共牢而食

詩死則同穴

增從子

報讎

禮夫死從子殺其夫已爲嫠婦詳報讎

栢舟詩

黃鵠歌

詩注栢舟共姜自誓也共伯早死其妻守義父母欲奪而嫁之誓而

弗許故作是詩以絕之列女傳陶嬰夫死守義作黃鵠歌魯人聞之遂不復求

征夫馬

寡婦船

張籍詩雙鬟初合便分離萬里征夫不肯隨今日軍迴身獨沒去時鞍馬別人騎范文正公

鎮越民曹孫居中卒子幼家貧公助俸錢百緡治巨舟差老衙校送歸作詩一絕戒其吏曰過闕津但以吾詩示之詩云十口相持泛巨川來時烘熱去淒然闕津若要知名姓便是孤兒寡婦船

門號義桓

屍還陰氏

漢書劉長卿妻桓鸞女生一男五歲長卿卒遠嫌不歸寧男十五而夭乃刑其耳自

誓宗婦愍之曰若家無他意何貴義輕身曰先君五更尊爲帝師男以忠孝顯女以貞順稱是以豫刑以明我

情沛相王吉上奏題其門號曰行義桓鸞下陰喻妻事見前

辭侯郊弔

爲夫稽

頽

杞梁妻事見前禮婦人爲夫與長子稽頽其餘則否

謳歌醉宿

永日經

年

漢書陳遵字孟公爲河南太守弟級爲荊州牧當之年官俱過長安富人故淮王外家左氏飲食作樂司直

陳宗劾奏

遵遇寡婦左阿君置酒謳歌醉宿免歸陳子昂詩孀居永日蓬首終年

家專丹穴

躬建墓碑

漢書巴寡婦清其先得丹穴而擅其利者數世家亦不貲能守其業用財自衛人不

敢犯始皇以爲貞婦而客之爲築女懷清臺劉禹錫史僕射墓碑史孝章妻博陵崔氏僕射之喪自殺至葬

當門戶脩祭祀建碑  
表皆崔氏之能也

### 寡婦四

原天窮

禮老而無夫謂之寡此天民之窮而無告也

晝哭

禮記穆伯之喪敬姜晝哭孔子

曰知禮也

不夜哭

禮寡婦不夜哭

未亡人

寡婦自謂未亡人

城崩

琴操

杞梁死其妻無子乃求夫尸于城下哭之道路聞之皆揮淚十日而城崩壞

孤鸞舞鏡

事文

類聚孤鸞念其雄見鏡而舞

### 寡婦五

原詩魏文帝寡婦詩曰友人阮元瑜早亡傷其妻孤寡

爲作此詩霜露紛兮交下木葉落兮萋萋候鴈叫兮雲  
中歸燕翩兮徘徊妾心感兮惆悵白日憇兮西顧守長  
夜兮思君魂一夕兮九乖悵延佇兮仰視星月隨兮天  
迴徒引領兮入房竊自憐兮孤棲願從君兮終沒愁何  
可兮久懷 增衛敬瑜妻孤鴈詩曰昔年無偶去今春  
猶獨歸故人思義重不忍更雙飛 張說詩曰綠流茂  
滋萍羅是依山崩川竭魚鳥何歸

增歌魯陶嬰黃鵠歌曰黃鵠早寡兮七年不雙宛頸獨

宿兮想其故雄其命早寡兮獨宿何傷念此寡婦兮泣  
下數行死者不可忘飛鳥尚然兮況于貞良雖有賢雄  
兮終不重行

原賦魏文帝寡婦賦曰陳留阮元瑜早亡每感存其遺  
孤未嘗不愴然傷心故作是賦惟生民兮艱危在孤寡  
兮常悲人皆處兮懽樂我獨怨兮無依撫遺孤兮太息  
俛哀傷兮告誰三辰周兮遞照寒暑運兮代臻歷夏日  
兮苦長涉秋夜兮漫漫微霜隕兮集庭燕雀飛兮吾前



去秋兮就冬改節兮時寒水凝兮成冰雪落兮翻翻傷  
薄命兮寡獨內惆悵兮自憐 王粲寡婦賦曰闔門兮

却埽幽處兮高堂提孤孩子出戶與之步兮東廂顧左  
右兮相憐意悽愴兮摧傷觀草木兮敷榮感傾葉兮落  
時人皆懷兮歡豫我獨感兮不怡日掩曖兮不昏明月  
皎子揚暉坐幽室兮無為登空牀兮下幃涕流連兮交  
頸心懣結兮增悲 丁廙妻寡婦賦曰惟女子之有行  
固歷代之彝倫辭父母而言歸奉君子之清塵如懸蘿

之附松似浮萍之託津何性命之不造遭世路之險述  
榮華曄其始茂所恃奄其徂泯靜閉門以却埽魂孤  
以窮居刷朱扉以白堊易元帳以素幃含慘悴以何訴  
抱弱子以自慰時翳翳以東陰日亶亶以西墜雞斂翼  
以登棲雀分散以赴肄還空牀以下幃拂衾褥以安寐  
想逝者之有憑因宵夜之髣髴痛存歿之異路終窈漠  
而不至時往苒而不留將遷靈以大行駕龍輅於門側  
設祖祭於前廊彼生離其猶難矧永絕而不傷自銜恤

而在疚履冰冬之四節風蕭蕭而增勁寒凜凜而彌切  
霜淒淒而夜降水瀟瀟而晨結瞻靈宇之空虛悲屏幌  
之徒設仰皇天而歎息腸一日而九結惟人生於世上  
若馳驥之過櫺計先後其何幾亦同歸于幽冥 晉潘  
岳寡婦賦曰樂安任子咸者子少而歡焉不幸弱冠而  
終其妻又吾姨也故作是賦伊女子之有行爰奉嬪于  
高族承慶雲之光覆荷君子之恩渥奉蒸嘗以效順供  
灑埽以彌載榮華曄其始茂良人忽以捐背愁煩冤其

誰告提孤狹以坐側時曖曖而向昏日杳杳而西匿雀  
羣飛而赴楹雞登棲而斂翼歸空館而自憐撫衾幃以  
歎息耳傾想於疇昔日髣髴乎平素雖冥冥而罔覲猶  
依依以憑附自仲秋而在疚踰履霜以踐冰雪霏霏而  
驟落風瀏瀏而夙興意恍惚以遷越神一夕而九升庶  
浸遠而哀降情惻惻而彌甚願假夢以通靈目炯炯而  
不寢夜漫漫以悠悠寒悽悽以凜凜氣憤薄而乘胸涕  
交橫而流枕重曰仰皇天兮歎息私自憐兮何極省微

躬兮孤弱顧穉子兮未識如涉川兮無津若陵虛兮失翼

喪妻一

增詩序曰喪其妃耦 禮記曰爲妻喪父母在不杖不稽顙

喪妻二

增南史曰宋何尚之立身簡約車服率素妻亡不娶又無姬妾 北史曰李象述子也清簡有風槩博涉羣書

從容樸素有名于時喪妻無子終竟不娶論者非之

舊唐書曰丁公著字平子蘇州吳郡人清儉守道每得一官未嘗不憂色滿容年四十四喪室以至終身無妓妾聲色之好

喪妻三

原鼓盆

舞鏡

莊子妻死惠子弔之乃鼓盆而歌孤鸞念其雌見鏡而舞

行志

傷神

後漢書符融貧妻亡無以殯斂鄉人欲爲備棺服融不受曰古之葬者棄之中野惟妻子可以

行其志但即土埋藏而已世說荀奉倩妻曹氏有艷色妻嘗病熱奉倩恒以冷身熨之妻亡人弔不哭而傷

神未幾奉  
倩亦卒

失儷 悼亡

失其伉儷 文選  
潘岳有悼亡詩

歎難得

復何恨

晉書荀粲字奉倩娶曹洪女卒歎曰佳人難  
再得 張璠漢記山陽太守薛勤喪妻不哭

臨殯曰幸不爲  
夭折復何恨

倚戶觀化

並杖蒙譏

莊子 王龔  
妻亡與諸子

並杖行服  
時人譏之

孫楚爲詩

梁龕宴客

世說孫楚妻亡至  
祥服乃爲詩以悼

之以示王武子武子見其文曰未知文生于情情生于  
文覽之悽然增伉儷之重 晉書盧江太守梁龕明日

當除婦服今夕請客奏妓丞相長史周覲等三十人同  
會司直劉隗奏曰夫嫡長妻子皆杖幕宴朝祥慢服之

愆請免龕官削侯爵覲等知龕  
有喪吉會非禮宜奪俸一月

孫權勸婚

楊秉不

娶

吳志孫承字仲嗣喪妻父昭欲爲索諸葛瑾女孫權  
聞而勸之遂爲婚 後漢書楊秉早喪夫人不娶

增葬玉埋香

繩牀經案

玉漢編事孟蜀時秦州節度使王承儉築城獲瓦棺

中有石刻曰隋開皇二年渭州刺史張崇妻王氏銘文有深深葬玉鬱鬱埋香之語唐書王維退朝之後以禪誦為事妻亡不再娶三十年孤居一室屏絕塵累室中茶鐺藥臼經案繩床而已

自比曾參

獨哀賢后

南齊書徐伯珍舉動有禮過曲木之下趨而避之早喪妻不復重娶自比曾參唐

書長孫后薨太宗曰內失一良佐以此益令人哀耳

白中無釜

篋裏陳衣

酉陽

雜俎江淮王生善卜有賈客張贍將歸夢炊白中問王生生曰君歸不見妻矣白中炊無釜也賈歸妻已卒韓愈丈侍御武君當年喪其配斂其衣服櫛珥槃

辭

宗正之命

却昆弟之情

吳志陳化字元耀汝南人為尚書令妻早亡化以古事為



鑑乃不復娶孫權聞而賢之以其年壯勅宗正妻以宗室女化固辭權不違其志後漢書朱暉年五十失妻

昆弟欲為娶繼室暉歎曰時俗希不以後妻敗家者遂不復娶

帷軒夕改 輶輅景

遷 靈衣虛襲 組帳空烟 巾見餘軸 匣有遺絃

俱宋謝莊殷貴妃誄

美玉褫顏 明珠晦色

張燕公碑

葉飄辭樹

雲斷別根

白侍郎丈

鏡下窈臺

衣緘全筭

類要

### 喪妻四

原無告

私喪

禮私喪妻喪也

曾參不更娶

韓詩外傳曾參喪妻不更娶人

問之曰以華元善也

犯禾葬

季子臯葬妻犯人之禾申祥以告曰請庚之子臯曰吾為邑宰於斯

買道而葬  
後難繼也

王駿不再娶

漢書王駿妻死不娶或問之駿曰德非曾參子非華元何

敢再

不行服

後漢書陳蕃喪妻還葬鄉里人畢至唯許劭不往或問曰仲舉性峻峻則少通

娶

不可

豈違心

魏志管寧妻卒知故勸再娶寧曰每省曾子王駿之言意常嘉之豈違本心

造

不御肉

晉書劉實字子貞喪妻為廬杖之制終喪不御肉輕薄笑之實不以爲意

德宮

之喪

潘岳誄楊仲武曰德宮之喪謂喪妻也

增哀篤瞽妻

蘇東坡集劉廷式未第時

議娶既第而妻瞽卒娶之後廷式倅密州妻死踰年而哀不衰不肯復娶軾問之曰哀生於愛愛生於色今君愛何從出乎廷式曰吾知喪吾妻而已吾若緣色而生愛緣愛而生哀色哀愛弛吾哀亦忘軾深感其言

喪妻五

原詩晉潘岳悼亡詩曰皎皎窓中月照我室南端清商  
應秋至溽暑隨節闌凜凜涼風升始覺夏衾單豈曰無  
重纊誰與同歲寒歲寒無與同朗月何朧朧展轉眄枕  
席長簾竟牀空牀空委清塵室虛來悲風霑胸安能已  
悲懷從中起寢興目存形遺音猶在耳 又曰荏苒冬  
春謝寒暑忽流易之子歸窮泉重壤永幽隔望廬思其  
人入室想所歷幃屏無髣髴翰墨有餘跡流芳未及歇  
遺挂猶在壁悵恍如或存迴遑忡驚惕如彼翰林鳥雙

飛一朝隻如彼游川魚比目中路析 梁江淹悼室人  
詩曰佳人永慕矣隱憂遂歷茲寶燭夜無華金鏡晝恒  
微桐葉生綠水霧天流碧滋蕙弱芳未空蘭深鳥思時  
湘醺徒有酌意塞不能持 又曰秋至擣羅紈淚滿未  
能開風光肅入戶月華為誰來結眉向珠網瀝思視青  
苔鬢局將成葆帶減不須摧我心若涵煙益益滿中懷  
又曰牕塵歲時阻閨蕪日夜深流黃夕不織寧聞梭  
杼音涼藹漂虛座清香盪空琴蜻引知寂寥蛾飛測幽

陰乃抱生死悼豈伊離別心 增唐白居易悼亡詩曰  
半死梧桐老病身重泉一念一傷神手攜穉子夜歸院  
月冷空房不見人 又感月悲逝者詩曰存亡感月一  
潜然月色今宵似往年何處曾經同望月櫻桃樹下晝  
堂前 又舊房詩曰隔壁秋聲蟲絡絲入簷新影月低  
眉牀幃半故簾旌斷仍是秋寒欲夜時

原賦晉潘岳悼亡賦曰伊良嬪之初降幾二紀以迄茲  
遭兩門之不造脩荼苦而嘗之嬰生艱之至極又溥命

而早終含芬華之芳烈翩零落而從風神飄忽而不返  
形焉得而久安襲時服於遺質表鉛華於餘顏問筮賓  
之何期宵過分而參闌詎幾時而見之目眷戀以相屬  
聽轍人之唱籌來聲叫以連續聞冬夜之恒長何此夕  
之一促且伉儷之好合垂明哲乎嘉禮苟此義之不謬  
乃全身之半體吾聞喪禮之在妻謂制重而哀輕既履  
冰而知寒吾今信其緣情夕既昏兮朝既清延爾族兮  
臨後庭入空室兮望靈座悻飄飄兮燈熒熒燈熒熒兮

如故帷飄飄兮若存物未改兮人已化饋生塵兮酒停  
樽春風兮泮冰初陽兮戒溫逝遙遙兮浸遠嗟筑筑兮  
孤魂 增唐劉禹錫傷往賦曰我今怨夫若人兮曾旭  
旦而潛暉飄零日及之萼倏忽蜉蝣之衣川走下而不  
還露迎陽而易晞思已甚矣難絕見無期兮永思我行  
其野農民桑者舉案來饁亦在林下我觀于途裨販之  
夫同荷均挈荆釵布襦羽毛之蕃鱗介之微和鳴濯叢  
雙泳連漪薨薨伊蟲蠢蠢伊豸游空亢深兩兩相比何

動類之萬殊必雌雄之與俱物莫失儷以孤處我方踽  
踽而焉如 我入寢宮痛人亡兮物改其容寶瑟僵兮  
絃柱絕瑤臺傾兮鏡匣空空爐委灰虛幌多風隙駒晨  
轉窓蟾夜通步搖昏兮網黏翡翠芳褥掩兮塵化蛭蝨  
閱刀尺之餘澤見巾箱之故封玩服儷兮猶具繁華謝  
兮焉從想翩翩于是非求僊宰于宜蒙信奇術之可致  
嗟此生之不逢徒注視以寂聽恍神疲而目窮還抱影  
以獨出紛百哀而攻中



原辭晉潘岳哀永逝辭曰逝日長兮生年淺憂患衆兮  
歡樂尠悵悵兮遲遲遵古路兮言歸思其人兮已滅覽  
餘迹兮未夷昔同途兮今異世憶舊歡兮增新悲謂原  
隰兮無畔謂川流兮無岸視天日兮蒼茫面邑里兮蕭  
散匪外物兮或改固歡哀兮情換歸反哭兮殯宮聲有  
止兮哀無終既顧瞻兮冢道長寄心于爾躬 增又 闕  
傷春辭曰畫出門而不敢歸兮畏空室之漫漫忽  
入門而欲語兮嗟猶憶其尚存役魂魄于宵夢兮追髣

鬻而無緣訪臨邛之道士兮從稠桑之老人縱不得而復見兮恐荒忽而非真

後妻一

原蒸梨出婦

掇蜂譖子

曾參武城人後母遇之無道其妻蒸梨不熟出之人曰此

非七出也答曰蒸梨小物不用吾命况大事遂遣之終身不娶其子請焉告之曰高宗以後妻出孝已尹吉甫以後妻嫉伯奇知其得免非乎琴操尹吉甫子伯奇母早亡吉甫更娶後妻乃譖之吉甫曰伯奇見妾美欲有邪心吉甫曰伯奇慈心豈有此也妻曰置妾空房中君登樓察之妻乃取毒蜂綴衣領令伯奇掇之於是吉甫大怒放伯奇於野宣王出遊吉甫從伯奇作歌以感之宣王曰此放子之辭也吉甫感悟遂射殺其妻

子死棄市

吏按免官

晉書安帝時郭逸妻以大竹杖打逸前妻之子子死妻因棄市

如常刑

後漢書龐參爲太尉夫人疾前妻子投於井中殺之參素與洛陽令祝良不平率吏入太尉府按實

其事遂

增鴈行執禮

翟衣出嫁

晉書列女傳鄭妻曹氏魯國薛人

也表先娶孫氏早亡瘞於黎陽及表薨議者以久喪難

舉欲不合葬曹氏曰孫是元妃理宜從葬豈可使孤魂

無所依耶于是遂備儀迎之具衣衾几筵親執鴈行之

禮聞者莫不歎息新唐書竇懷貞中宗夜宴近臣謂

曰聞卿喪妻今欲繼室可乎懷貞唯唯俄而禁中竇扇

鄭衛有衣翟衣出者乃韋后乳媼王所謂莒國夫人者

故蠻婢也懷貞納之不辭世謂媼壻爲阿奢懷貞每謁

見奏請輒自署皇后阿奢而人或謂爲國奢懷貞軒然

不慚以自

以爲繼室

遂遣後妻

唐書許敬宗嬖其婢以爲繼室假姓

虞李德武坐事貶嶺南妻裴氏嫁方踰年父矩表離  
婚德武許之裴氏曰夫天也可背乎願死無他後十年  
德武未還矩決欲嫁之裴斷髮不食矩不能奪德武于  
嶺南娶爾朱氏赦還聞其守節遂遣後妻復爲夫婦

### 後妻二

原繼室

左傳臧宣叔娶于鑄生賈及蒍而死繼室以其姪穆姜之姨子

工縑

古詩新

縑故人

閔子單

閔子騫兄弟二人母喪父更娶復有

工織素

衣甚單歸持後妻兒子衣甚溫謂其婦欺已去之子騫曰母在一子單母去四子寒父默然

薛包

出

漢書薛包字孟嘗母喪以至孝聞父娶後妻而憎包分出之詳繼母

尹氏不言

晉書

昭王李元盛后尹氏初適扶風馬元元卒爲元盛繼室以再醮故三年不言撫前妻子如已所生

妾一

增說文曰妾之言接也聞彼有禮走而往焉以得接見於君子也 又曰有皐女子給事之得接於君者左傳女爲人妾妾不聘也 彙苑曰妾接也言得接見君子而不得伉儷也 師古曰姬者本國之姓貴于諸國之女故婦人美號皆稱姬焉後因總謂衆妾曰姬 毛詩曰嘒彼小星三五在東肅肅宵征夙夜在公寔命不同 又曰綠兮衣兮綠衣黃裏心之憂矣曷維其已 又

曰有鶯在梁有鶴在林維彼碩人寔勞我心 禮記曰  
妾雖老年未滿五十必與五日之御雖婢妾衣服飲食  
必後長者 又曰妾有子而為之總 又曰買妾不知  
其姓則卜之 又曰聘則為妻奔則為妾 左傳曰卿  
置側室 晏子曰內寵之妾肆奪于市 六帖曰官女  
也妾 彙苑曰庶人嬖妾

妾二

增左傳曰公子荆之母嬖將以為夫人使宗人蒙夏獻

其禮對曰無之公怒曰女爲宗司立夫人國之大禮也何故無之對曰周公及武公娶于薛孝惠娶于商自桓以下娶于齊此禮也則有若以妾爲夫人則固無其禮也公卒立之而以子荊爲太子國人始惡之又曰遂氏之女爲僖子副妾故納泉丘之女以副助之又曰齊侯多內寵內嬖如夫人者六人列子曰鄭公孫穆後庭比房數十皆擇稚齒婬者以居之漢書張蒼妻妾以百數嘗孕者不復幸趙飛燕外傳曰伶元之

妾樊通德趙飛燕女使也能道飛燕姊妹事元曰其人俱灰滅矣盛時疲精神逞嗜慾寧知終歸荒田野草乎通德掩袖視燭影以手擁髻淒然泣下元因作飛燕外傳西陽雜俎寺塔記曰王縉爲相爲妾造寶應寺宏麗無比今寺中什梵天女悉韓幹爲齊公妓小小等寫真也舊唐書曰大厯中崔寧代杜鴻漸爲節度使寧入朝以弟寬守成都楊子琳以精騎數千突入成都據城守之寧妾任氏魁偉果幹出其家財十萬募勇士得



千人設隊伍將校手自麾兵以逼子琳子琳懼遁去

外史檮杌曰潘炕與弟峭同爲蜀王建掌機衡號大樞  
小樞炕嬖美妾解愁遂風恙成疾解愁姓趙氏母夢吞  
海棠花蕊而生有國色善爲新聲及工小詩建至炕第  
見之意欲取炕曰臣下賤之人不敢以薦于君其寔靳  
之龍川志曰真宗臨御中外無虞或勸以聲妓自樂  
王文正旦性儉約初無姬侍其家以二直官治錢上使  
內東門司呼二人者責限爲相公買妾仍賜金三千兩

二人歸以告公公不樂然難逆上旨遂聽之 別錄曰

韓魏公至相府時家有女樂二十餘輩及崔夫人亡一日盡遣之同列多勸且留以爲暮年歡公曰所樂能幾何而常令人心勞孰若吾簡靜之樂也 山堂肆考曰

宋韓康公上元召從官數人出家姬侍飲其專寵者曰魯生偶中蜂螫少頃持扇就蘇東坡乞詩坡詩中有魚吹細浪歌搖日舞罷花枝蜂入懷之句上句記姓下句記事 合璧事類曰宋子京出知城都帶唐書于任所

刪修每宴罷開寢門垂簾燃二椽燭媵婢夾侍和墨伸  
紙近觀者皆知其修唐書望之如神仙多內寵宴錦江  
偶微寒命取半臂諸妾各送一枚凡二十餘枚子京恐  
有厚薄之嫌不敢服忍冷而歸

### 妾三

原當夕

問辰

禮記妻不在妾御莫敢當夕謂進御於君又曰妾將生子及月辰夫使人日

一問之謂諸侯也

衣帛

織蒲

國語季孫相魯無衣帛之妾通鑑臧文仲妾織蒲

增列屋

韓文曲眉豐頰清聲而便體秀外而惠中飄輕裾翳長袖粉白黛綠者列屋而閑居妒寵而負

恃爭妍  
而取憐

綠珠

碧玉

本傳姓梁白州博白縣人生雙角山下石崇為交趾採訪使以

真珠一斛買之孫秀使人求之不與秀諧于趙王倫收兵忽至崇曰我為汝獲罪綠珠曰願效死君前遂墜樓

而死

左司郎中喬知之有美妾曰碧玉武承嗣納之不還知之作綠珠怨密寄之末云百年離別在高樓一

代容華為君盡碧玉見詩赴井死承嗣得詩於裙帶諷羅吉告知之遂族誅之

桃葉

柳枝

古今樂錄晉王獻之愛妾名桃葉其妹曰桃根獻之嘗臨渡歌以送之曰桃葉復桃葉渡江不用楫但渡無所

苦苦我自迎接後人因名渡曰桃葉渡在金陵秦淮口不用楫謂橫波急也唐語林韓退之有二侍姬柳枝

絳桃初退之奉使王庭湊至壽陽驛有詩云風光欲動別長安春半邊城特地寒不見園花並巷柳馬頭惟有

月團圓蓋有所屬也迨奉使歸柳枝踰後園竄去家人追獲詩曰別來楊柳街頭樹擺亂春風只欲飛惟有小

桃園裏住留花不發待郎  
歸自是專屬意絳苑矣

易馬

隨鴉

酒徒鮑生多  
畜聲妓外弟

韋生好乘駿馬游行四方各求所好一日相遇于山寺  
兩易所好乃以女伎善四絃者換紫叱撥馬今是堂  
手錄杜大中自行伍爲將有愛妾才色俱美大中牋表  
皆此妾所爲一日大中方寢妾至見几上有紙頗佳書  
臨江仙一闋有彩鳳隨鴉之句大中覺而視  
之云鴉且打鳳于是掌其面至項折而斃  
誦賦

主書

蜀志劉琰字威碩婢妾十人悉教讀書能誦魯靈  
光殿賦唐書韋陟字安卿遷吏部常以五彩牋

爲書記使侍妾主之其裁答授意而已陟惟署名自  
謂所書陟字若五朶雲時人嘉之號郇公五雲體

辨玉

捧金

石季倫愛妾名翻風年十五容貌無與比  
者妙別玉聲能觀金色石氏之珍寶瑰奇

皆殊方異國所得莫有辨其出處者乃使翻風辨其聲  
色並知其出處之地言西方北方玉聲沉重而性溫潤

佩服益人性靈東方南方玉聲輕柔而性清涼佩服利人精神本傳韓翊妾柳氏天寶末盜覆二京柳氏剪

髮毀形寄居法靈寺肅宗反正翊乃遣使間行求柳氏以練囊盛麝金題詩贈之柳氏捧金鳴咽報以詩無何

爲番將沙叱利劫歸虞侯許俊徑造其第出翊札示之挾之跨鞍馬以歸韓氏琴客香兒

麗情集柳宜城愛妾善撫琴字琴客又曰元載侍姬薛瑤英幼以香屑飲啖之長而肌膚香潤故謂之香兒

玉女雪兒

南齊書蕭景先遇疾遺言作啟謝世祖曰自丁荼毒以來妓妾已多分張所餘

醜狠數人皆不似事可以明月佛女桂支佛兒玉女美玉上臺美滿艷華奉東宮北夢瑣言李密愛姬能歌

舞每見賓僚詩句奇麗有入意者即付雪兒叶音律以歌之原歸不隨命必殉

枚乘嬖子臯之母爲小妻乘東歸不肯隨乘左傳魏武子有賤妾疾曰必嫁是女及疾甚曰我死必以爲殉

及卒子從  
治命嫁之

韓孟僖

毒彭祖

泉丘女夢以帷幕孟氏  
之廟遂葬于孟僖子

漢宣帝時張彭祖以舊恩  
封陽都侯爲小妾所毒

制總麻

爲齊縗

車盾上  
言喪服

禮制庶子爲母總麻三月傳曰尊非爲體  
母死哀公爲之齊縗有若曰爲妾齊縗禮與公曰吾得

已乎哉魯人以妻我注言  
皆爲吾妻也文過之言

服長子

祔女君

禮妾爲  
君之長

子與女君同注不敢以恩將服君之正統  
祖姑無妾祖姑易牲而祔于女君可也注曰女君嫡祖

姑也易牲而祔  
凡下女君一等

屈節汝家

受笞主父

晉書周覲母  
李氏字絡秀

覲父浚爲安東將軍求絡秀爲妾父兄不許絡秀曰門  
戶珍瘁何惜一女子遂與之生覲覲長母曰吾屈節爲  
汝家妾不與我爲親吾亦不惜餘年覲等從命李氏始  
爲方雅之族  
戰國策蘇秦謂燕王曰客有遠爲吏其

妻私人夫至使妾舉藥酒進之妾欲言恐逐主母勿言  
殺主父於是伴僮仆而棄酒主父大怒笞五十杖妾一  
僮上存主父下存主母身  
受笞此忠信而得罪也  
如婦事姑  
出妻寵妾

晉書

漢魏故事王公羣妾見夫人夫人不答拜新禮亦宜答  
拜摯虞議曰以妾事女君如婦事姑則敬與婦同而加  
賤也宜不答拜  
魏氏春秋鍾會母寵于父繇繇出其  
夫人太后為言文帝詔復之繇憤恚餐椒致噤乃止

任其所之

未能遣此

世說晉王處仲敦荒恣于色  
體為之疲左右諫之敦曰吾

乃不覺耳若如此甚易也乃開後閣驅諸婢妾數十人  
出路任其所之  
齊書張環位光祿大夫妓妾盈房或  
譏其衰暮畜妓環曰我少好音律老而方  
解平生嗜慾無一復存惟未能遣此耳  
桃口柳腰

仙姿玉質

雲漢友議曰白樂天有二妾樊素善歌小  
蠻善舞嘗有詩曰櫻桃樊素口楊柳小蠻



腰後樂天年老又病風欲放樊素素慘然泣下不忍去  
樂天亦愍然不能對遂作不能忘情歌 唐書元載寵  
妾薛瑤英能詩書善歌舞仙姿玉質肌香體輕  
惟賈至楊公南與戴友善往往得見其歌舞 迴面

避之

聞聲足矣

南史齊王琨性謹慎顏師伯豪貴設  
女樂邀琨傳酒行炙皆命內妓每行

至琨琨令置牀上回面避之然後取坐客皆笑琨容色

自若

天寶遺事寧王有寵姬美姿色善謳唱客莫得

見李白侍酒戲謂王曰聞王有寵姬善歌今酒肴醉飽  
羣公宴倦王何吝此女不示于衆王笑謂左右設七寶

花障台寵姬歌于障後白起謝  
曰雖不許見面聞其聲亦足矣

別成玉佩

故整金

釵綠珠傳石崇美妾千人擇數十人妝束一處忽使視  
之不相分別刺玉爲倒龍佩結繞檻而舞 吟聽敘

錄李愿家有一姬名真珠自謂女寶後爲牛僧孺侍妾  
有殊色盧肇至僧孺奇其文延于中寢會真珠沐髮方

以手捧其髻插金釵于兩鬢間僧孺曰何妨一咏肇曰知道相公憐玉腕故將纖手整金釵

居燕

子樓游鶴林集

長慶集尚書張建封納歌姬閨盼盼于燕子樓公歿盼盼念舊愛不嫁居

是樓十餘年嘗題詩見志白樂天賡和之復贈一絕盼盼得詩泣曰自公薨背妾非不能死恐百世之後以我公重色有從死之妾是玷我公清範也所以偷生耳快怏旬日不食而卒古今詩話趙嘏浙人有美妾洎計偕母不許攜行會上元節妾爲鶴林之遊州帥見之掩爲已有明年嘏歸以詩感之曰寂寞堂前日又曛陽臺去作不歸雲當時聞作沙叱利今日青蛾屬使君帥聞之遣還

善鼓箏篴

誤驚響

板洛陽伽藍記徐月華本高陽王雍妓善彈箏篴能爲明妃出塞之曲後嫁爲衛將軍原士康側室近青陽門徐鼓箏篴而歌哀聲入雲行路聽者成市徐嘗語士康云王有二美姬一名修容二名艷姿修容能爲綠水

歌艷姿善火鳳舞士康遂常令徐鼓綠水火鳳之曲馬

侯鯖錄宋宰相蔡確字持正貶新州有侍妾名琵琶

嘗養一鸚鵡甚公每呼琵琶即叩一響板鸚鵡傳言

呼之及琵琶卒後誤觸響板鸚鵡猶傳呼不已公感傷

成疾嘗為詩云鸚鵡言猶在琵琶事已非傷

心瘴江水同渡不同歸悵悵不樂久之亦終

六郎容

範

四妾聲歌

通幽記哥舒翰有愛妾曰裴六郎容範  
曠代燕善歌舞元楊庶夫母夢金鈎

入懷而生別號鐵笛道人晚年避亂淞江之泖湖謝伯

里家畜四妾名草枝柳枝桃枝杏枝皆善音樂每乘画

舫恣意所之豪門

嘗歌金縷

能銜玉簪

國史補杜秋娘金陵

巨室競相邀致

女也年十五為李錡妾嘗為錡唱詞云勸君莫惜金縷

衣勸君莫辭少年時花開堪折直須折莫待無花空折

枝錡叛沒入宮又放歸杜牧感而作詩南史梁羊侃

性豪侈善音律有彈箏人陸太喜著鹿角爪長七寸舞

人張靜婉腰圍一尺六寸咸謂能掌上舞  
又有孫荆玉能反腰貼地銜得席上玉簪

浮花浪蕊

白藕玉梅

者舊續聞蘇東坡有妾名朝雲榴花朝雲  
死于嶺外惟榴花獨存故其詞多及之觀

浮花浪蕊都盡伴君幽獨可見其意矣  
才思不減昔人故宋駙馬家有十姬皆絕  
尤艷一日招天游宴盡出諸姬佐觴天游  
占一詞曰淡淡春山雨點青嬌羞一點口  
玉一窩雲白藕香中見西子玉梅花下遇  
個也銷魂楊遂以粉兒贈之曰請天游真  
個銷魂也

枕藏玉馬

帳處金絲

宋沈攸之爲荊州刺史廡中有羣馬每  
夜輒騰擲驚嘶攸

之令人于樞遙伺之見一白駒以繩縛腹  
起軼如飛掩之不及視廡猶闔從入閣內  
問內人惟愛妾馮月華臂上玉馬以綠繩  
穿之卧則置枕下夜或失所在旦則如故  
視其蹄果有泥跡攸之亡不知所往杜陽  
編薛瑤

英元載之姬處金絲之帳却塵之褥褥出句驪國衣龍  
綃之衣一衣無一二兩重搏之不盈一掬以體不勝衣  
故於外國  
求服也  
驚驚燕燕 田田錢錢 十郎二女俱爲雲  
間富民陸氏妾長曰鶯鶯早世次曰燕燕與羣妾等陸  
病且貧貨所居棲墓廬羣妾散燕獨不忍去十餘年陸  
死自驚以葬焉嗚呼豫讓懷智伯國士思始以國士報  
燕得不賢于讓哉 書史會要卒棄疾二妾也因其姓  
而名之皆善筆札  
嘗代棄疾答尺牘

#### 妾四

原脅爲夫人

公羊禘于太廟用致夫人稱姜氏貶也譏  
以妾爲妻脅于齊媵之先者注公聘楚齊

君媵脅公以  
爲夫人也

不可爲姒

左傳聲伯之母不聘穆  
姜曰吾不以妾爲姒

不

可爲主

劉輔上書于成帝曰腐木不可以爲柱卑人不可以爲主

增稱雷尚書

世說

王導有幸妾姓雷頗預政事納貨蔡公謂之雷尚書

隔簾奏樂

南史梁夏侯竇性儉率有妓妾

十數並有被服每有客嘗隔簾奏樂時謂簾爲夏侯妓女

犀帶易姬

續相公歌妓

唐錫給事通天犀帶皆一代尤物唐錫慕姬之色嚴有欲帶之心一日出姬解帶以散子較勝負數巡唐彩大

勝唐乃酌酒命美女歌一曲而別嚴悵然久之

炎海清涼

東臯雜錄王定國嶺外歸出歌妓勸

蘇東坡酒坡作定風波詞並序曰定國歌兒名柔奴姓宇文氏家住京師定國南遷歸予問廣南風土應是不

好柔奴對曰此心安處是家鄉遂贈以詞有炎海清涼之句

翠翹婉媚

翠翹洪內翰侍人失

其姓善畫自題云翠翹戲筆字畫婉媚程大昌題詩曰戲作風枝斜再惱玉堂宿

侍姬訴客

王韶罷副樞知鄂州宴會出家姬坐客張續醉挽妓不前擁之妓泣訴于韶坐客皆失色韶曰出爾曹以娛賓乃令客失歡邪令取  
大杯罰妓人服其量  
眞珠百琲石季倫嘗屑沉水香塵末布象牀上使所愛妾踐之無跡則賜眞珠百琲若有跡者則節其飲食令體輕故閨中相戲曰爾非細骨輕軀那得百琲眞珠

### 妾五

原詩齊陸厥中山王孺子妾歌曰未央才人中山孺子一笑傾城一顧傾市傾城不自美傾市復爲客願把陵陽袖披雲望九重  
又曰如姬寢臥內班婕坐同車洪波陪飲帳林光宴秦餘歲暮寒飈及秋風落芙蓉子瑕

矯後駕安陸泣前魚賤妾終已矣君子定焉如 梁吳  
均去妾贈前夫詩曰棄妾在河橋相思復相遼鳳凰簪  
落髮蓮花帶緩腰腸從別處斷貌在淚中消願君憶疇  
昔片言時見饒 梁簡文帝詠人棄妾詩曰昔時嬌玉  
步含羞花燭邊豈言心愛斷銜啼私自憐但覺歡成怨  
非關醜易妍獨鵲罷中路孤鸞死鏡前 梁元帝代舊  
姬有怨詩曰寧爲萬里隔乍作死生離那堪眼前見故  
愛逐新移未展春花落遽被涼風吹怨黛舒還斂啼紅



拭復垂誰能巧爲賦黃金妾不貲 王僧孺爲何遜舊

姬擬上山采薜蘿詩曰出戶望蘭薰褰簾正逢君斂容

裁一訪新人詎可聞新人含笑近故人含淚隱妾意在

寒松君心逐朝槿 又爲姬人怨詩曰自知心裏恨還

向影中羞迴持昔慊慊變作今悠悠還君與妾扇歸妾

與君裘絃斷猶可續心去最難留 又作寵姬詩曰及

君高堂還值妾妍妝罷曲房褰錦帳迴廊步珠屣玉釵

時可挂羅襦詎難解再顧連城易一盼千金買 又詠

姬人詩曰窈窕守容華但歌有情曲轉盼非無以斜眉  
幸相矚不減許飛瓊多勝劉碧玉何因送款款半飲杯  
中醪 陳陰鏗和樊晉陵傷妾詩曰畫梁朝日盡芳樹  
落花辭忽以千金笑長作九泉悲鏡前塵劇粉機上網  
多絲戶餘雙入燕牀有一空幃名香不可得何見反魂  
時 增晉翺風怨詩曰春華誰不羨卒傷秋落時坐見  
芳時歇憔悴空自嗤 楊炎贈薛瑤英詩曰雪面淡蛾  
天上女鳳簫鸞翅欲飛去玉釵碧翠步無塵楚腰如柳

不勝春 關盼盼詩曰樓上殘燈伴曉霜獨眠人起合

歡牀相思一夜情多少地角天涯不是長 又曰北邙

松柏鎖愁煙燕子樓中思悄然自埋劒履歌塵散紅歌

香銷已十年 唐杜牧感杜秋娘詩曰椒壁懸錦幕鏡

匳蟠玉螭月上白壁門桂影浮參差金階玉露重聞把

紫簫吹燕媒得皇子夫人親捧持虎睛珠絡祿金盤犀

鎮帷 宋蘇軾贈張子野詩曰錦里先生自笑狂莫欺

九尺鬚毛蒼詩人老去鶯鶯在公子歸來燕燕忙柱下

相君猶有齒江東刺史已無腸平生謬作安昌客略遣  
彭宣到後堂 又朝雲詩曰不似楊枝別樂天恰如通  
德伴伶元阿奴絡秀不同老天女維摩總解禪經卷藥  
爐新活計舞衫歌扇舊因緣丹成逐我三山去不作巫  
陽雲雨仙

增詞蘇軾贈柔奴定風波詞云常羨人間琢玉郎天教  
分付點酥娘自作清歌傳皓齒風起雪飛炎海變清涼  
萬里歸來年愈少微笑笑時猶帶嶺梅香試問嶺南應

不好却道此心安處是家鄉

御定淵鑑類函卷二百四十七